


先文僖公所著金石例
十卷制度文辭必稽諸
古所以模范後學者也
每見手澤不忍釋去與
其私於一家孰若公於



天下傳之子孫孰若法
之人人使咸知先公之
心去浮靡以還淳古顧
不韙與謹刻之梓嘉與
士大夫共之至正五年

春三月望濟南潘誦敬
書于卷末



國家圖書館, NATIONAL CENTRAL LIBRARY, TAIWAN, R.O.C.

金石例序

金石例者蒼崖先生所述也凡碑碣之制始作之本銘志之式辭義之要莫不攷古以為準以其可法於天下後世故曰例而其所以為例者由先秦漢暨唐宋諸大儒皆因文之類以為例至夫節目之詳率祖韓愈氏大書特書不一書處分晰列其亦放乎春秋之例也與甚矣先生有功於斯文也先生世居中

州以文學鳴國初士之為文者猶襲纖
巧其氣萎薊不振先生患其久而難變
也乃述是書以授學者使其知古之為
文如此聚然畢舉如示諸掌故歷事六
朝出入翰苑餘二十年凡經指授者皆
有法度朝野至今稱之至正四年春先
生之子敏中來為饒理官好賢下士文
雅有父風其於先生手澤尤加慎重以
未之與於斯文也俾之次第而繼授之

刻之梓以永其傳嗟乎先生不以崇高
自居而加惠於後學敏中不以勢利相
尚而盡力於遺書有子如是先生為猶
生矣後之人當知是書有功於斯文不
細也先生姓潘氏諱昂霄字景梁學者
稱之曰蒼崖先生官至翰林侍讀學士
道奉大夫謚文僖有蒼崖類藁若干卷
云至正五年春三月鄱陽後學楊本敏

聖人春秋褒貶著於筆削者謂之例國
家政刑賞罰見於制度者謂之例是皆
以其可為法於天下後世也濟南文僖
潘公蒼崖先生取古昔碑碣鍾鼎之文
提綱舉要條分類象定為十卷名曰金
石例一卷至五卷則述銘志之始而於
貴賤品級塋墓羊虎德政神道家廟賜
碑之制度必辨為六卷至八卷則述唐
韓文括例而於家世宗族職名妻子死

全石齋卷三
葬月日之筆削特詳焉九卷則先正格
言十卷則史院凡例制度筆削於此又
可以槩見焉使世之孝子慈孫觀其制
度之等則思得為而為不得而不為而
於事親之道不至違禮矣觀其筆削之
旨則思孰為可傳孰不可傳而於揚名
之道有以自力矣是豈惟為文者之助
於世教將重有補焉公之子敏中來官
于甌出是書以示余因得以觀夫公之

篤意斯文而又喜斯文之有賢子以傳
也遂為之引至正乙酉春三月望賜同
進士出身將任郎前慶元錄事鄱陽後
學傳貴全序

文章先體製而後論其工拙體製不明
雖操觚弄翰於當時猶不可况其勒於
金石者乎陸士衡文賦論作文體製大
略可見由先秦以來迄于近代金石之
所篆刻具有體製好古博雅之士皆不
可以不之考也然而自上徂下貴賤有
等名器亦因之而異數敘事紀實抑揚
予奪必當有所法自非類聚而通考之
何以見之哉翰林蒼崖先生潘公雄文

博學為當世所推嘗歷攷古今文辭提
綱舉要萃為一編名曰金石例凡為文
之槩度制器之楷式開卷瞭然其用心
亦勤矣公之子敏中實其手澤罔敢失
墜宦游四方必載與俱其在番禺復刊
是編以廣其傳且與吾黨共之意公掌
帝制司文衡其所以藻飾太平者已無
所不盡其忠敏中克承家學益彰其親
之美斯亦繼志述事之孝者乎忠孝萃

於一門文物昭於威世使夫為人臣為
人子皆有所矜式實有功於名教豈特
為文之助而已哉余故表而出之以冠
篇端云至正五年春三月饒州路儒學
教授桐川後學湯植翁序

三代無文人六經無文法儒者有是言也然春秋大義數十以褒貶寓於一字之間傳者謂其發凡以言例皆經國之常制周公之垂法諸稱書不書先書故書不言不稱書曰之類皆所以起新舊發大義謂之變例至謂發傳之體有三而為例之情有五然則謂無法可乎後世之文莫重於金石蓋所以發潛德誅奸諛著當今示方來者也如是而不知

義例其不貽鳴吠之謂也幾希翰林蒼
崖潘先生動必稽古取先代碩儒所為
文類而集之題曰金石例視傳春秋者
所言如合符節俾夫攷古者知古人用
意之所在而學古者有所矜式而不敢
肆其嘉惠斯文不其至乎至正丁亥予
奉教番禺公之子敏中為理官嘗屬郡
王楊本端如緝其次第既已刻於家而
公諸人學之賓師景陽吳君旭子謙吳

君以牧謂此書將歸中州則邦之人焉
能一一而見之我盍列之學官以垂永
久乃復加校正而壽諸梓於乎古人吾
不得而見之矣得見古文斯可矣明年
戊子夏六月既望廬陵王思明謹敘

蒼崖先生金石例目錄

都陽楊本編輯校正
廬陵王思明重校正

卷之一

碑碣之始

墓誌之始

碑碣制度

墓誌制度

墓表制度

石人羊虎柱制度

墓圖

古今碑石同異

卷之二

金石文之始 碑式

碑陰文式 德政碑之始

德政碑式 墓碑式

神道碑之始 神道碑式

家廟碑式 先廟碑式

先塋先德昭先等碑之始

先塋先德昭先等碑式

賜碑名號之始

賜碑名號式

卷之三

碣式 墓碣式

誌式 墓誌式

葬誌式 殯誌式

權厝誌式 歸柩誌式

墓版文式

卷之四

銘文之始 銘式

墓銘式 墓誌銘式

墓碣銘

墓甄銘

壙銘式

卷之五

古墓表式

今之墓表式

墳記式

誄式

行狀式

論行狀語錄

名號稱呼類

時忌字樣類

書碑額例

書碑陽例

書碑陰例

僧碑

論碑文合書不合書

書銘陰例

卷之六

韓文公銘誌牯例

自宦業俊偉者敘起而以世系妻

子居後

自急流勇退者敘起次履歷家世

而以死葬居後

自事契敘起次履歷家世子女而

集古詩話卷三
以葬年月日居後

先叙姓字三代次履歷而以妻子居後

先叙家世

不書家世而書履歷

不書家世履歷而言丹砂之害

先敘死年月起

先敘死者葬地

先敘姓名履歷而以三代妻子居

後

無履歷可敘者

僅有初筮可書者

敘文詞之盛者

自賜廟敘起

自乞銘敘起

有誌無銘

述其妻子之辭

法楊子雲造語

王臨川以為銘之升者

樓迂齋所取者

賜廟碑體

郡王碑體

公相銘誌體

節度觀察刺史誌銘碣

御史卿監郎官墓誌侍士附

州縣官誌銘

處士誌銘 幼殤誌銘

卷之七

宗族姻黨稱呼例

書上代例 書曾祖例

書曾伯叔祖例

書祖例 書父例

書母例 書伯叔例

書伯叔母例 書兄弟姊妹例

書姊妹夫例 書妻例

書子男例 書女婿例

書舅姑例

書外家例

職名例

有出身必書例

內職必書例 書除授例

家世例

書三代例 不書三代例

歷書世系例 書三代及其兄例

書三代不名而及其女兒與甥例

不書曾祖而書六代祖及祖及父

例

不書曾祖而書祖書父例

不書曾祖而書六世祖及父例

不書曾祖而書七世祖及曾伯

祖及父例

不書曾祖而止書其父例

不特書父而書大王父王父例

書上世并書其母例

書二母例

書三代并書其母例

書三代并書其母其舅例

書父并其母舅不及上二代例

書十一世祖及父及母例

書父及母及兄弟而不及上世例

書婦女家世例

書三代例

書祖書父及其舅其夫例

書父及其夫其子例

書兄弟例

書兄及弟例

書妻例

書妻及曾祖祖不書妻之父例

書妻及妻之祖父不書妻曾祖例

書妻及妻之父不及其曾祖祖例

書妻及妻之父及曾伯父例

書妻及妻叔祖不書其祖父例

不書妻祖父例

因葬書妻例 因附葬書妻例

書再娶例 書三娶例

書婦德例

書子女例

書子女不名例

子書名女不書名例

子女並書名例

書子女及婚例

不書婚姓名例

書子女婚及外孫例

書異母子女例

書子而無女例

書子女年歲例

書女出家例

書子女生於死後例

書過房子例

書子文學材質例

書無子例

卷之八

書死例

書死于官著年月日例

書死于官不書年月日例

書死于家著年月日例

書死于中道外州著年月日例

書死于中道外州不書年月日例

書病死例

書不病而死例

書死而不書死之地例

書死而不書死之歲月例

書生死年月日例

書病死例

書死不書病例

書死為薨例

書葬例

書勅葬例 書詔許還葬例

書自他州返葬例

書葬他州例 書葬祖父墓域例

書夫祔妻墓例

書妻祔夫墓例

書合葬例 書各葬例

書因某人歸葬例

書本月內葬例

書本年内葬例

書明年葬例

特書某年葬例

不書年月日例

不書葬地例

書某月幾日不書甲子例

書某月甲子即不書幾日例

卷之九

論古人文字有純疵

論作文法度 學文凡例

論作文當取法經史造語

制式 擬制之始

擬制之式

誥式

擬誥之始

擬誥之式

詔式

擬詔之始

擬詔之式

表式

擬表之始

擬表之式

露布

擬露布之始

擬露布之式

檄式

擬檄之始

擬檄之式

箴式

擬箴之始

擬箴之式

銘式

擬銘之始

擬銘之式

記式

記以紀事其式不一觀古人諸記可見矣故不具

擬記之始

擬記之式

贊式

擬贊之始

擬贊之式

頌式

擬頌之始

擬頌之式

序式

擬序之始

擬序之式

諸跋

郝伯常先生編題玉石八例

蒼崖先生十五例

卷之十

史院纂脩凡例

聖旨詔例

元正朝賀

外國來賀

車駕飛放

車駕行幸

嶽瀆降香

聖節朝賀

諸王稱號

皇屬除拜

內庭宴集

大會諸王

神祇祭享

百官拜罷

百百除目

萌古言語

誅殺罪人

錫宴犒勞

甲子日分

天地災異

奏除臣僚

奏對陳言

陞加散官

征伐收撫

外國君長

金石例目錄

營造工作

臣下奏事

臣僚薨卒

蒼崖先生金石例目錄

國家圖書館, NATIONAL CENTRAL LIBRARY, TAIWAN, R.O.C.

蒼崖先生金石例卷之一

鄱陽楊本編輯校正

碑碣之始

禮記檀弓下季康子之母死公肩假曰
公室視豐碑

註言視者時借天子也豐碑斲
大木為之形如石碑於椁前後
四角樹之穿中於間為鹿盧下
棺以緯繞天子六緯四碑前後

各重鹿盧也

三家視桓楹

註時僭諸侯諸侯下天子也斲之形如大楹耳四植謂之桓諸侯四緯二碑碑如桓矣大夫二緯二碑士二緯無碑疏視比擬之辭也斲大木為形如石碑者禮朝廷有碑故祭義云牲入麗為碑儀禮每云當碑楫士此云

豐碑故知斲大木為碑也云於椁前後四角樹之者謂椁前後及兩旁樹之角落相望故云非正當四角也穿去碑中之木令使空於空間著鹿盧兩頭各入碑末云下棺以緯統者緯即紼也人各背碑負紼末頭鼙鼓聲以漸却行而天下之窆春秋天子有隧以羨道下棺所以用碑

者凡天子之葬掘地以為方壙
漢書謂之方中又方中之內先
累椁於其方中南畔為羨道以
蠶車載柩至壙送而載以龍輜
送羨道而入至方中乃屬紼於
棺之絨從上而下棺入於椁之
中於此時用碑綽也

又云以言視柩楹不云碑知不
似碑形故云如大楹耳道而言

之亦謂之碑也四植謂之桓者
案說文桓亭郵表也謂亭郵之
所而立表木謂之桓即今之橋
旁表柱也今諸侯二碑兩柱為
一碑而施鹿盧故云四植謂之
桓也周禮桓圭而為雙植者以
一圭之上不應四柱但為二
柱象道旁二木又宮室兩楹故
雙植謂之桓也大夫亦一碑但

柱形不得龐大所以異於諸侯也

韻會舉要碑字

註說文聖石紀功德從石卑聲徐曰按古宗廟立碑以繫牲耳後人因於其上紀功德此碑字從石秦以來制也七十二家封禪勒石不言碑七十二家封禪之言始於管仲不言碑穆天子

傳乃為名迹於弁茲石上亦不言碑也銘勒功德當始於宗廟麋牲之碑也又祭義麋牲疏賈氏曰官必有碑士昏禮聘禮入門當碑揖則大夫士廟內皆有碑紳飲酒鄉射三揖則庠序之內皆有碑擗祭則諸侯廟內有碑碑所以識日景觀碑景邪正以知早晚宮廟用石為之葬碑

取懸絕絳暫時往未運載當用
木而已喪天記註天子用大木
為碑謂之豐碑諸侯樹兩大木
謂之桓楹檀弓註鄭氏曰斲大
木形如石碑於椁四角樹之穿
中為鹿盧下棺以絳繞天子六
絳四碑諸侯四絳二碑士二絳
無碑又釋名云碑彼也葬時所
設臣子追述君父之功以書其

上徐曰劉熙言起於懸棺之碑
者蓋今神道碑也初學記碑悲
也所以悲往事今人墓隧宮室
之事通謂之碑矣

事祖廣記云管子曰無懷氏封泰山刻
石紀功秦漢以來始謂刻石曰碑蓋
因喪禮豐碑之制也刻石當以無懷
為始而名焉自秦漢也

陸龜蒙叢自書曰碑悲也古者

懸而空用木書之以表其功德
因笛之不忍去碑之名由是而
得自秦漢以降生有功德政事
者亦碑之而又易之以石失其
稱矣此又德政有碑之起也陸
法言廣韻曰碑碣李斯造宜始
於嶧山之刻甫釋名曰本葬時
所設臣子追述君父之功以書
其上

事祖廣記云古之葬有豐碑以定秦漢
以來死有功業生有德政者皆碑之
稍改用石因總謂之碑晉宋之世始
又有神道碑天子及諸侯皆有之
其刻文止曰某帝或某官神道
之碑今世尚有宋文帝神道碑
墨本也其初由立之于葬兆之
東南地理家言以東南為神道
故以名碑有案後中山簡王薨

詔為之脩塚塋開神道註云墓
前開道建石柱以為標謂之神
道是則神道之名在漢已有之
也晉宋之後易以碑刻云

墓誌墓碑文詞各異

如云千歲之後陵谷变迁知其
為良吏之壙其勿毀焉又云兩
鴈行同域也而不同藏之類止
可施於墓內不可作碑用如文

詞有可通用則或為墓誌或為
墓道之碑亦可也但碑上不言
誌字止曰某官某人墓碑或云
墓碣

墓誌之始

事祖廣記云災敷子曰齊王儉云石誌
不出禮經

石誌作子誌

按齊太子穆妃將葬議立石誌

王儉曰石誌不出禮經

起宋元嘉中顏延之為王球

一作王珣

作墓誌以其無銘誄故以紀行自爾
遂相祖習

然魏侍中繆襲改葬父母制墓
下埋文將以陵谷遷變欲後人
有門辨知但記姓名歷官祖父姻
媾而已有德業則為銘文又隋

代蘇家子王戎墓得銘云晉司
徒安豐元公王君之銘有教百
字則魏晉已有其事不于宋
也馮鑑續事始云按西京雜記
前漢杜子春一作杜子夏臨終
作文命刻石埋于墓前恐墓誌
因此始也承謂昔吳季札之喪
孔子銘其墓曰嗚呼有吳延陵
季子之墓莊子衛靈公葬沙丘

掘得石椁銘曰不馮其子靈公
奪而埋之唐開元時人有耕地
得比干墓誌刻其文以銅盤曰
右林左泉後同前道萬世之寧
茲焉是保漫滕公夏侯要得定
葬石銘曰佳城鬱鬱三千年見
白日吁嗟滕公居此室則墓之
有誌其來遠矣

碑碣制度

諸碑碣

其有皆須實錄不得濫有褒飾
五品以上立碑碣首龜趺二品以上
上高不得過一丈二尺五品以上上
高不得過九尺七品以上立碣圭首
方趺上高四尺其執政官以上
墳塚

三品以上神道碑碑於墓隧道之左
面南五螭首龜趺有依品從合得尺

寸

見儀制今更欲檢之此未盡也
司馬公曰按今式墳碑石獸大小多寡各有品數

然葬者當為無窮之規後世見此等物安知其中不多藏金玉耶是皆無益於亡者而反有害故今式又有貴冑同賤賤不得同貴之文然則不若不用之為

愈也

五品以下不立碑謂之墓碣圭首方座以上石人石柱石羊石虎各有台得之數

墓誌制度

墓誌納之墓中柩前平放其狀如方石斗二底撮面平而不凹大小無定制上一斗於平面上大字題某官某人墓誌銘曾見古墓中石誌

制度如此又記上一斗止寫某人墓誌不書銘字下一斗上作小字書前一行刻云某官某人墓誌銘并引或言有序或言并序後書序及銘刻畢以丹填之上下二斗字並用丹填二斗相合四角以薄石片擋起擋石如錢大厚薄亦如之但要二石實相壓着

家禮云下誌石

云墓在平地則於壙內近南先布磚重置石其上又以磚四圍之而覆其上若墓在山側峻處則於壙南數尺間掘地深四五尺依此法埋之

墓表制度

家禮云墳高四尺立小石碑於其前亦高四尺跌高尺許

按孔子防墓之封其崇四尺故取以爲法用司馬公說別立小碑但石頭闊尺以上其厚居三之二圭首而刻其面如誌之蓋乃畧述其世係名字行實而刻於其左轉反後右而周爲婦人則俟夫葬乃立面如夫三誌蓋之刻云

表墓石立於墓前

就地理定上題云某人之墓無文詞墓雖無碑者亦當立此石石人羊虎柱制度

事祖廣記云吳穀子曰秦漢以來帝王陵寢有石麒麟和兕馬之屬人臣墓有石人羊虎柱之類皆表飾墳壠如生前儀衛

風俗道曰方相氏葬日入壙驅罔象罔象好食死人肝腦人臣

不能備方相乃立其象于墓側
又聞象畏虎與柏故頂上栽柏
路前五虎也盧思道西征記曰
新西有漢旌陽太守趙越墓
有石柱東南有亭因名柱為表
漢霍去病墓祁連山立石人
馬然則墓前之立石人柱羊虎
之類皆起於漢也又唐王達
北行云山頭間底石漸稀盡

向墳前作羊虎

金制諸葬儀一品官石人四事石虎石
羊石柱各二事二品三品減石人
二事四品五品又減石柱二事

墓圖

古金石例云墓圖作方石碑先畫墓圖
有作圖象者內畫墓樣各標其穴
某人其石巖之祭堂壁上無祭堂
則巖圍牆上

韓魏公父墓圖今有此石歲久
臥之牆外

宗久圖碣二一埋中宮之下一立中宮
之上太原以墳塋中心為宅神
中宮之義也

祭堂瓦花頭皆寫云某氏于姝
墓甄亦然南陽宗資墓前人有
得古花頭瓦其花頭刻云宗氏
千秋今石刻在申州刺史宅凡

祭堂二於中宮左右建

家禮云刻誌石

用石二片其一為蓋刻云有宋
某官某公之墓無官則書其字
曰某若某甫其一為底刻云有
宋某官某公諱某字某某州某
縣人者諱某某官母氏某封某
年月日生叙歷官遷次某年月
日終某年月日葬于某鄉某里

娶某處某氏某人之女子男某
某官女適某官某人婦人夫在
則蓋云有宋某官姓名某封某
氏之墓無封則云妻無官則書
夫之姓名夫亡則云某官某公
某封某氏夫無官則云某君某
甫妻某氏其底叙年若干適某
氏因夫子致封號無則否葬之
日以二石字面相向而以鉄束

東之埋之壙前近地面三四尺
間蓋慮異時陵谷變遷或誤為
人所動而此石先見則人有知
其姓名者庶能為掩之也

諸墳塋地一品四面各三百步

長周不等者以積步折之余准
此

二品二百五十步三品二百步四
品五品一百五十步六品以下

一百步無人

不叙使官余條葬無文者並准此

及寺觀各三十步若經恩錫及山谷內已業荒田者不在步數之限古今碑石同異

漢碑有銘詞亦有無者今亦然

謂神道碑并墓碣有銘詞者有無銘詞者今碑碣亦

墓碑無銘詞刻墓前石柱上亦有刻在碑上者

蒼崖先生金石例卷之一終

國家圖書館, NATIONAL CENTRAL LIBRARY, TAIWAN, R.O.C.



蒼崖先生金石例卷之二

金石文之始

鄱陽楊本編輯校正

周禮王功曰勳國功曰功民功曰庸事
功曰勞治功曰力戰功曰多凡有
功者銘書於王之太常

禮記曰大鼎有銘銘者自名也自名以
稱揚其先祖之美而明著之後世
者也為先祖者美不有美焉莫不有
惡焉銘之義稱美而不稱惡此孝



子孝孫之心也唯賢者能之銘者
論譔其先祖之有德善功力勲勞
慶賞聲名列於天下而酌之祭器
自成其名焉以祀其先祖者也顯
揚先祖所以崇孝也身比焉順也
明示後世教也夫銘者一稱而上
下皆得焉耳矣是故君子之觀於
銘也既美其所稱又美其所為為
之者明足以見之仁足以與之知

足以利之可謂賢矣賢而勿伐可
謂恭矣故衛孔悝之鼎銘曰六月
丁亥公假于太廟公曰叔舅乃祖
莊叔左右成公成公乃命莊叔隨
難于漢陽即宮于宗周奔走無射
啓右獻公獻公乃命成叔纂乃祖
服乃考文叔興舊耆欲作率慶士
躬恤衛國其勤公家夙夜不解民
咸曰休哉公曰叔舅子女銘若纂

乃考服俚拜稽首曰對揚以辟之
勤大命施于烝彝此衛孔悝之
鼎銘也古之君子論譔其先祖之
美而明著之後世者也以比其身
以重其國家如此子孫之守宗廟
社稷者其先祖無美而稱之是誣
也有善而弗知不明也知而弗傳
不仁也此三者君子之所耻也昔
者周公旦有勲勞於天下周公既

沒成王康王追念周公之所以勲
勞者而欲尊魯故賜之以重祭外
祭則却社是也內祭則大嘗禘是
也夫大嘗禘并歌清廟下而管象
朱干玉戚以舞大武八佾以舞大
夏此天子之樂也康周公故以賜
魯也子孫纂之至于今不廢所以
明周公之德而又以重其國也
春秋左氏傳曰季武子以所得於齊之

兵作林鍾而銘魯功焉臧武仲謂
季孫曰非禮也夫銘天子令德諸
侯言時計功大夫稱伐今稱伐則
下等也計功則借人也言時則妨
民多矣何以爲銘且大夫伐小取
其所得以作羹器銘其功烈以示
子孫昭明德而懲無禮也今將借
人之力以救其死若之何銘之小
國幸於大國而昭所獲焉以起之

亡之道也

國語曰昔克路之役秦來圖敗晉功魏
顆以其身却退秦師于輔氏親止
杜回其勲銘於景鍾

克勝也魯宣于五年六月癸卯
晉荀林父將滅赤狄路氏七月
秦桓公伐晉次于輔氏晉景公
治兵以畧狄士及碩魏顆敗秦
師于輔氏獲杜回景鍾景公鍾

○碑式

碑文之可法者固多舉其一二
以為式後皆效此當類推之

衢州徐偃王廟碑

韓退之

平淮西碑

曹成王碑

南海神廟碑

處州孔子廟碑

柳州羅池廟碑

黃陵廟碑

箕子碑

柳子厚

道州文宣王碑

柳州文宣王碑

終南山祠堂碑

太白山祠堂碑

湘源二妃廟碑

饒娥碑

南霽雲睢陽廟碑

右土神祠碑

張說

唐天下放生池碑

顏真卿

禹穴碑

鄭魴

表忠觀碑

蘓子瞻

湖州韓文公廟碑

伏波將軍廟碑

壽域碑

王元之

四皓廟碑

披雲堂碑

馬子才

東平行臺嚴公祠堂碑

元遺山

祭孤魂碑

杜止軒

文子廟碑

却伯常

漢高祖廟碑

漢光武廟碑

處士管寧廟碑

○碑陰文式

碑陰文

柳子厚

碑陰記

大明碑陰

先友記

處州孔子廟韓文公碑陰記

杜牧之

○德政碑之始

事祖廣記云自秦漢以來死者

功業生有德政者皆碑之稍改
用石因總謂之碑

○德政碑式

明州王密德政碑

李舟

易州刺史田仁琬德政碑

蘇靈之

高陵縣令劉君德政碑

劉錫禹

○墓碑式

清邊郡王楊燕奇碑文

韓良之

權公墓碑

劉統軍碑

王黃華墓碑

元遺山

寄庵先生墓碑

費縣令郭明府墓碑

宣武將軍孫君墓碑

○神道碑之始

事祖廣記云晉宋之世始又有
神道碑天子及諸侯皆有之其
刻文止曰某帝或某官神道之

碑今世尚有宋文帝神道碑墨本也其初猶立之子葬兆之東南地理家言以東南為神道若神靈出遊道之意唐李夷簡臨終敕無碑神道故以名碑爾

○神道碑式

唐銀青光祿大夫守右散騎常侍致仕上柱國襄陽郡王平陽路公神道碑銘韓良

唐故河東節度觀察使滎陽鄭公神道碑文

唐故中散大夫少府監胡良公墓神道碑

唐故江南西道觀察使贈左散騎常侍太原王公神道碑

司徒兼侍中中書令贈太尉許國公神道碑銘

湖州長城縣令崔孚神道碑

白樂天

平章政事壽國張公神道碑元遺

沁州刺史李君神道碑

朝散大夫胡公神道碑

內相文獻楊公神道碑

轉運使王公神道碑

禮部尚書趙公神道碑

內翰馮公神道碑

國子祭酒馮公神道碑銘

東平行臺嚴公神道碑

木虎公神道碑

刺史馬公神道碑銘

康公神道碑銘

劉氏先塋神道碑

完顏公神道碑

畢侯神道碑銘

千戶趙君神道碑

○家廟碑式

立家廟自有品從

唐人三品以上得立餘不得立
碑與墓碑制度同曾見永寧縣
西寺有文潞公家廟碑是司馬
溫公撰制度與墓碑同其陰全
唐之刹寺記矣家廟碑立之家
廟前

司馬溫公撰文潞公家廟碑

其畧云公以廟制未備不敢作
主用晉荀安呂公祠制作神板

采唐周元陽議祀以元日寒食
春秋分冬夏至致齋一日又以
式受詔之四方不常其居乃酌
古諸侯載遷主之義作車奉神
板以行此皆禮之從宜者也

○先廟碑式

烏氏廟碑銘

壬辰詔用烏公為銀青光祿大
夫河陽軍節度使兼御史大夫

封張掖郡開國公居三年河陽
稱治詔贈其父工部尚書且曰
其以廟享即以其年營廟于京
師崇化里軍佐竊議曰先公既
位常伯而先夫人無加命號名
差卑於配不宜語聞詔贈先夫
人劉氏沛國太夫人八年八月
廟成三空同宇祀自左領府君
而下作主于第乙巳葬于廟

魏博節度觀察使沂國公先廟碑銘
田弘正始有廟京師謹案魏博
節度使銀青光祿大夫檢校工
部尚書兼魏州大都督府長史
御史大夫沂國公田弘正北平
盧龍人故為魏博諸將忠孝畏
田季安卒其子幼弱用故事代
父人吏不附迎弘正於其家使
領軍事弘正籍其軍之衆與六

州之人遷之廟廷悉除河北故
事比諸州故得用焉帥已而復
贈其父故滄州刺史兵部尚書
母夫人鄭氏梁國大夫人得立
廟祭三代曾祖都水使者府君
祭初室祖安東司馬贈棗州刺
史府君祭二室兵部府君祭東
室

袁氏先廟碑

袁公滋既成廟明歲二月自荆
南以旂節朝京師留六日得壬
子春分率宗親子屬用少牢于
三室既事退言曰嗚呼遠哉維
世傳德襲訓集余乃今有濟今
祭既不薦金石音聲使工歌詩
載烈象容其奚飭雅昧於長久
唯敬繫羊豕幸有石如具著先
人名跡因為詩繫之語下於義

其可雖然余不敢必屬篤古而
達之於詞者遂已命愈已上係
韓退之

丞相崔圖廟碑

始立廟洛邑考而王考而皇考
廟皆二丈有七從四尋衡八尋
二戶立楹外無四阿坊墀彩繪
施以丹雘齋室懋室庭垣稱之
禮曰勞定國則祀之能禦大災

則祀之能捍大患則祀之是宜
廟食以銘于鼎 古者諸侯立
五廟有鼎與樂有國之制侯伯
有爵而無玉廟有鼎祭樂不克
立五廟而立三廟不銘于鼎而
銘于碑韓雲卿

南康郡王韋臯先廟碑

萬物本乎天人本乎祖乃立家
廟以交神明古者揚其功烈銘

于祭器近古以魯鍾衛鬲追琢
先德不若鏤文字於屍牲之碑
之為請也乃謹如書之權載之
丞相代國公王涯先廟碑

唐制五等有爵服而無山川祭
于三事得五曰廟備物崇祀以
交神明敬先孝治以輔孝治有
國之令典也唯長慶三年前相
國王公始卜廟于西京崇業里

公時鎮劍南在川上章曰臣
官秩印授品俱第三如武以
奉家廟制曰可是歲仲冬申命
長男孟望祔其主于三室明年
公入為御史大夫後以十一月
親 烝 間歲公出梁州就拜
司空祀崇異數廟加祀室大
二年增新室既成祔顯考于尊
位告嚮由礼劉禹錫

彭陽郡公令狐楚先廟碑

今上元年某月某官令狐公西嚮拜章上言守臣楚蒙被恩深列于元侯得立家廟以奉常祀制書下其奏于有司於是善相去詳得施于京師通濟里居無何新廟成公以守藩故申命季弟監察御史定卜牲練日越八月丁亥祔嚮三室瑀塘以尚幽

設帷以迎精理義尤達神用寧謚

右僕射趙郡李紳先廟碑

王建侯侯建廟廟有器器有銘所以論撰先德明著後代或書于鼎或文于方古今之通制也齋未祇拜章上言請立其廟以奉常祀於是得請于天子承式于有司是歲某月某日經始

于東都明年某月某日有事于
新廟外尽其物內尽其志三獻
百順神格祀成白樂天

先塋先德昭先等碑之始

蒼崖先生曰先塋先德昭先等碑例似
與神道碑墓誌等碑不同

先塋先德昭先等碑創建於國
朝已前唐末皆無之所書三代
并妻子例似與神墓誌不同也

○先塋先德昭先等碑式

安肅郝氏先塋之碑

宣差五路萬戶郝侯和尚貞祐
今年夏五月侯朝行 對于怪
殿者餘七十日且以上廐馬二
四棧馬三彫弓四 曹三金錦
三并金虎符錫之夫人劉氏亦
拜雙錦之賜 按郝氏安肅人
葬於縣之元兔鄉千秋里者不

知幾昭穆矣曾大父諱廣資善
良有陰德聞里中年八十三過
異人教之良禁齒髮更生又十
年乃終妣曰劉氏大父諱全任
夾尚氣勇於赴難有朱家郭解
之器妣曰田氏生二子侯之父
諱增氣節豪宕人多歸之不幸
早世妣曰孫氏送上三世皆潛
德不耀獨叔父彥自承平時以

賢為恩州酒務使次令安肅迄
今康寧壽考坐嚮榮養歲時問
安孫息滿前郝宗陽報之慶斯
濫觴也雖侯喪已積之善擁方
永之福生子如此祖考可以
無恨矣元遺山

大丞相劉氏先塋神道道碑

謹按劉氏世居宣德北鄉之青
魚里孝弟力田蓋有年矣曾大

父雲自盜 為大家有子四人
曰璋曰瓊曰玠曰璣玠之子四人
显仁字仲明祖仁字仲昌用仁
字仲至體仁字仲康仲至府君
即公之考也公家故大族府君
娶同鄉季氏生三子長敦字德
厚季効字德信皆無祿早世公
其第二子也自大父以來不常
厥居有其先塋 於青魚西北

原而已 大忠以報國孝以起
家立身行道之義彰慎終追遠
之德厚不有金石後裔何觀乃
為之銘公名某字德柔以小字
某行八子某其長已襲世爵云
歸德府總管范陽張公先德碑

范陽張公漢臣遺其叅佐陳价
李侃侯 自曹南走書幣及予
於順天書謂予曰子良不敏爰

自束髮以良家子隸軍籍轉戰
南北將四十年馮籍先世積善
之舊生還鄉國乃辛丑某月得
用侯伯之服之禮展省墳塋考
之令甲諸仕及道貴富與曠俱
有碑應用螭首龜趺之制竊不
自揆度思得文士之見信於人
者譔述之維張氏族出范陽其
家於縣東仇家里者不知其幾

昭穆笑自公曾大父甲而下皆
隱德不耀大父臣甫資稟高亮
壽八十有七怡然坐 祖妣王
氏季氏生子三人其季純質有
父風 壬子之夏三水泛濫漂
壞后舍至於丘隴亦為湮沒
與長女李秉船筏百計訪求僅
得祖考遺骸於泥

下其顛於死者屢矣妣宋氏慈

仁勤儉孝於舅姑生子二人長
即公次曰子明仕為鄜州路郭
主簿母有前識謂公材幹特達
後當貴異常成之母憂教以仁
愛為懷慕故在三水之陽懲創
水禍改卜其陰乃在所居之西
南原見於辛丑新阡者持二世
耳故以大安兵興公以材選為
軍中千夫長 故子既論次其

先德并以公出處附之欲人知
張氏所以起其家者蓋如此

龍山趙氏新塋之碑

歲祭丑冬十月先太師以王爵
統諸道兵長驅而南 癸卯冬
十月侯介於同官李雍川周才
卿為予言吾趙氏世居堡寨以
任迂大梁五代未有諱匡顛者
官至靜江軍節度使兼桂州管

內觀察使弟匡衡又八世孫襄
疊仕於宋皆至通顯金朝兵破
大梁吾家例為兵所驅入室此
行至龍山遂占籍馬雜諧謀散
亡而其見於祖塋石誌者蓋如
此振王之曾大父坤隱田間致
賢巨萬娶王氏生大父憲資個
倘好施予人多以急難歸之娶
馬氏生子八人吾父階其第四

子也幼出大家頗以馬自喜
由大父而上皆葬鄉里振王之
考兵亂中權厝縣西佛寺比避
兵還而寺屋被焚遂失墓殯所
在振王乃用故事卜於平棘縣
西北鄉蘆材里之南原為顯考
衣冠之歲日者室人莫氏物故
因送柩為維遠祖自堡寨迂大
梁既無歲月可考自大梁迂龍

山則僅能志之今南原卜宅亦
吾趙家之大幸不勳之金石以
昭示永久後世其謂我何誠得
吾子辱以大賜之為幸多矣敢
再拜以請

下邳劉氏先德碑銘

下邳劉氏其先世皆滄人自總
管而上其世係名諱與其仕宦
可知者凡四世高祖父諱辛仕

金官至顯武將軍資庫使符離
縣尉并下邳令子二人長曰思
誠次曰思謙業儒術有子二人
曰元曰珍元早卒珍字子玉
年八十二以壽終配樂氏潘氏
子二人曰榮曰昱其一早卒皆
樂氏所出榮字德茂至元十
一年正月卒享年七十有六配
邢氏子男二人長曰源承事郎

榮安州判官娶徐氏子男二人
曰某次即總管傑也娶謝氏前
卒總娶郭氏灵壽縣尹敏之女
子男七人 傑字漢卿 自曾
大父以上皆葬下邳巨山之陽
自祖父以下皆葬蓋都今將補
松楸之闕展拜掃之儀願得子
之文刻之貞石 乃為次第其
世數事以而繫之以銘王鹿庵

彰德總管孫公先塋碑銘

公之曾大父某娶何氏四子慶
祐慶文慶元祿和慶元即公之
大父也娶趙氏有婦德二子威
平平早世威即公之考也年若
干終于某官杜氏年八十八下
及五世孫慶公卒其子世振等
諸孫謙詣誼等以問 然而公
未老事業尚未既而拱有才氣

謙既能以世其業云予他日又
可以考其淺深厚薄於此也劉
夢吉

懷孟萬戶劉公先塋碑銘

按孟曾祖考諱德安隱居不仕
妣張氏楊氏孟祖考和陽府君
諱寶資幹奇偉氣畧過人享
年若干妣李氏楊氏姜氏孟考
蒲陰府君諱世昂不避矢石竟

被創而廢享年若干妣齊氏張
氏三世皆葬和州蒲陰之北鄉
百長原其家宗支則有圖列碑
陰

龐氏墳道先德碑銘

魯祖其次居十然以次推十曾
外二伯曾則兄猶七人其下有
季叔無即昆弟耶送父送祖之
昆弟耶所不可知姑計是十家

子孫將不百人而止成畫于賦
惟十曾 子祖府君諱智者存
考府君生六年當至元改明年
己丑夏五月二十有八日以卒
年七十七 考府君即墳喪之
仲應亦辛 仲溫以他求出異
以九年戊辰十一月十有七日
卒年止四十七送葬先塋諸姑
四人皆歸鄉人詠昆仲二人合

仲父季父子各四人為十人輅
銀符由同提奉興州採本司主
泔水簿卒子父柳文振詠子文
括文播承 合諸父之子男十
二人女十一人妣牧庵

鄒平賈氏昭先之碑

賈氏世為濟南鄒平人祖諱某
以數畝自尚二子長諱某次諱
某尚書君父也卒年六十四配

王氏 癸巳三月二十日年七十卒二子曰馴及直君曰景以字显監濱州稅孝友有為四女長適王氏次李氏次段氏次王氏皆濟南盛族劉中庵

○賜碑名號之始

退朝錄云唐太宗自撰魏元成碑德宗亦撰段秀實碑本朝太宗中令趙公碑皇祐中王侍郎融守河中還

乃以唐明皇所題裴耀卿額上之仁宗遂御沂公碑曰旌賢

○賜碑名號式

旌賢王沂公碑 懷忠呂許公碑

顯忠李忠武公碑

旌忠寇萊公碑

全德元老王太尉碑

教忠積慶文潞公父泊碑

親賢李侍郎用和碑

皇親齊國獻穆公主碑

旌功曹襄悼碑 崇儒丁文簡碑

蕙覺晏元猷碑 舊德張鄧公碑

顯先積慶趙中令子鼎昭碑

旌忠懷德張侍中耆碑

儒賢高文莊碑 思賢李相沆碑

褒賢范文正公碑

旌忠元勳狄忠襄碑

褒忠陳恭公碑 清忠王貳恭碑

純孝張文孝碑

忠規德範宋元憲碑

淳德守正呂文穆碑

大儒元老賈公碑

蒼崖先生金石例卷之二終

國家圖書館, NATIONAL CENTRAL LIBRARY, TAIWAN, R.O.C.



蒼崖先生金石例卷之三

碣式

國子司業陽城遺愛碣

公名城字允宗家于北平隱于
條山惟公端粹冲和高凝懿醇
道德仁明孝^愛友悌薰襲里閭布
聞天下守節貞固患難不能遷
其心怡性坦厚榮位不足動其

鄱陽楊本編輯校正



神為司諫義震于周行為司業
爰加于生徒宜乎立石俾後是
憲其辭曰惟茲陽公履道葆醇
爰初隱声覆篲基仁德充而形
乃作諫臣抗忠勵義直道是陳
帝求師儒貳我成均開朗蒙滯
宣明德教大和潛布之機密照
群生聞礼後本知孝進退作則
動言是効匪公之執人用奚蹈

麤厲貪凌待公順之欺偽譎詐
待公信之少年甲申咸適其宜
楚廢弛尊嚴而威公褒其良俾
升于堂塵者既肥榮如袞衣公
產不用德咎內訟既訟于內猶
公之誨匪仁孰親匪德孰尊今
公于征孰表儒門生徒上言稽
首帝聞謂天蓋高曾莫我聞青
衿涕濡填街盈衢遠逸于南望

墓踟躕立石書德用揚懿則嗚
呼斯文遺愛罔極

故御史周公碣

有唐貞臣汝南周氏諱某字某
以諫死葬于某貞元十二年柳
宗元立碣于其墓左在天寶年
有以詔諛至相位賢臣致退公
為御史抗言以白其事得死于
墀下史臣書之公之死而佞者

始畏公議 銘曰忠為美道是
履諫而死佞者止史之志石以
紀為臣執分

故秘書省校書郎獨孤君墓碣

嗚呼有唐仁人獨孤君之墓附
子其父太子舍人諱助之墓之
後自其祖贈太子少保諱問俗
而上其墓皆在羈水之左今王
父營陵於其側故再世在此君

諱申叔字子重年二十二奔進士又二年用博學宏詞為校書郎又三年居父喪未練而沒蓋貞元十八四月五日也是年七月十日而葬鄉曰某鄉原曰某原柳子厚

○墓碣式

故兵部郎中楊君墓碣

君諱幾字懋功 貞元十九年

正月某日守尚書兵部郎中楊君卒某月日葬于奉先縣某原既葬其子姪 家老謀立石以表于墓 墓令曰凡五品以上為碑龜趺螭首 五品為碣方趺圓首其高四尺按郎中品第五以其秩不克偕降而從碣之制其世系則紀于大墓柳子厚故萬年令裴府君墓碣

公諱瑾字封叔河東聞喜人太尉公諱行儉實高祖侍中公諱光庭寔曾祖刑部員外郎府君諱實祖大理卿府君諱敬實父冢子銑奉柩以明年月日克葬于墓銑以文書來柳州告其叔舅宗元願碣于墓左則涕為之銘

○墓誌式

故尚書戶部郎中魏府君墓誌

魏氏世墓于某縣某原唐興有文士諱之曼者與子及孫咸舉進士嗣為儒家綿州涪城尉諱全瑤魏州臨黃主簿諱欽慈太常主簿諱緄尚書戶部員外郎兼江陵少尹諱萬成凡五代名高而不浮于行才具而不得其祿江陵府君益之以閭達之量

經緯之謀故豪士賢大夫痛慕
加厚生而中府君諱弘簡字曰
裕之以文行知名監察御史柳
宗元聞其道而玩其文也久居
又同開故哀而銘之柳子厚
故朝散大夫永州刺史崔公墓誌

維元和五年九月十五日壬子永
州刺史崔公薨于位享年六十
八乙未殯於路寢景寅迁神于

舟以某年某月日歸葬于某縣
某原祔于皇考吏部侍郎贈戶部
尚書府君之墓 公前夫人徐
州叅軍滎陽鄭鉅女有子曰義
和早夭後夫人萬年尉范陽盧
彤女嘉淑之德繼聞宗族有子
曰貽哲貽儉克承于家泊公之
兄子曰勵曰礼誠願志于墓無
忘公之德

安南都護張公誌

公諱舟字某某郡人也曾祖彥
師朝散大夫尚書駕部中祖瑾
懷州武德縣令考清朝議郎試
大理寺丞贈右贊善大夫咸有
懿美積為餘慶公以忠 循其
中以文術昭于外推經旨以飾
吏事本法理以平人心 優詔
累旌其忠良大史嗣書其功烈

就加國子監祭酒封武城男食
邑三百戶凡再策勳至上柱國
三曾 至中散大夫某年月薨
于年若干天子震悼傷辭有加
明年其孤某官與宗人號奉裳
率其家老咨于叔父廷唐令某
卜宅于潭州某原葬用某月某
日人謀皆送龜毛襲者乃刻茲
石著公之閔以志于立窆以告

于幽明

邕州刺史李公誌

公諱位字某實惟文皇帝之玄孫別子曰承乾為皇太子以藩受逼奪危慄致禍後封恒山為愍王贈荊州大都督維別曰象嶺郡太守贈越州大都督鄒國公太宗曰太子詹事贈秘書監生尚書左丞凡四代有

土田居貴仕公在承之以率服克荷天休維有功德嘗云永流黃丹砂為紫丹能入火不動以為神服之且十年然卒以是病暴不赤黑數日薨寶元和十三年六月十五日年五十七僚宰厄事有緹五兩無金銀泉且幾不克斂夷人號呼致幣歸以明年月日葬附其穆長安西

南高陽原上

貴州刺史鄧君誌

君諱某字某南陽人漢司徒禹
之世也曾祖倚皇連州普城今
祖少立皇滄州司馬考邕皇左
武衛兵曹參軍惟居敏給以御
下廉忠以承上幹蠱之稱治於
諸侯信謹之跡彰于所莅故自
始仕以至沒世未嘗無聞焉

始由湖南為江西再以君為送
事知之最厚痛君之能不施于
劇任惜君之志見屈于群疑且
以誌授中元使脩其闕古者觀
其所使而知在上之德今也觀
其所使而知在下之誠嗚呼可
無辭乎

桂管防禦副使呂公誌

呂氏世居河東至延之始大以

御史大夫為浙東道節度大使
延至生謂為中書舍人尚書禮
部侍郎刺湖南七州生四子溫
恭儉讓以溫為尚書郎再贈至
右僕射恭字敬叔他名曰宗礼
或以為字實惟呂氏宗子尚氣
節有勇畧不事小謹讀逆橫書
理陰符掘機孫子之術曰我師
尚父肖也 不幸溫刺衡州年

四十卒恭未及理人年三十七
又卒世固有具具而不及其用
若溫恭者耶恭貌奇壯有大志
信然容物宜壽考碩大而又不
克呂氏之道惡可興

柳州司馬孟公誌

常謙孟氏之孤曰遵慶奉其父
命書九篇為善狀一篇來告曰
月日君薨月日將葬于某敢請

刻碎 惟公志專于中貌嚴于
外常立廷中毅然望之若圖形
刻像聞國難輒不寢食謀度憤
吒以故病不可治魯祖某官諱
某祖某官諱某父某官諱某公
之諱曰常諷子遵慶弟曰某
故試大理評事裴君誌

裴氏之昭曰贈戶部尚書諱某
穆曰起居郎諱某生均州刺史

諱某均州與其弟大理更為刑
部郎用文史名於朝杜禮書長
子曰某 進士策不中去過汴
韓司徒勗迎取為從事以聞拜
太子通事舍人進大理評事當
代蔡及鄴汴常為軍首贊佐有
勞既事將侍大夫人于京師道
發疽元和十四年月日終於河
南敦厚里年若干字曰某弟某

以某喪歸葬于某縣某里未果
娶有男_子二人女一人男之長曰
某通兩經始且虛

大理評事柳君誌

晉之亂柳氏始分曰耆為汝南
守居河東又五世曰慶相魏魏
相之嗣曰旦仕隋為黃門侍郎
某小字曰楷至于唐刺濟房蘭
廟四州楷生夏縣令府君諱繹

繹主司議郎府君諱遺愛皆葬
長安少陵原遺愛生御史府君
諱開葬南陽其嗣曰寬字存諒
請其世書揚于文辭交于公館
元和六年八月七日也年四十
七子將以某月日祔葬又不
得乎辭而誌焉是無以蓋前人
之大敬固以請嗚呼余惧辭
之不令以為神羞余曷敢不諾

秘書郎姜君誌

秘書郎姜曷字某開元皇帝外
係始楚國公故與上游益貴
幸子慶初得尚某公主生曷曷
生三日上曰他物無以餉吾孫
即勅有司以第六品告與緋衣
銀魚得道籍出入凡名是官七
十某年終不徙元和十四年
月日終桂州都督御史中丞裴

公曰噫帝戚也葬不可以庶為
具物祭以豚酒月日葬州東南
一里子某年若干母曰雷姬

襄陽丞趙君誌

貞元十八年月日天水趙公矜
年四十二客死于柳州官為歛
葬于城北之野矜之父曰漸南
鄭尉祖曰倩之州司馬曾祖
曰弘安金紫光祿大夫國子祭

酒始矜由明經為舞陽主簿蔡
帥反犯難來歸擢授襄城主簿
賜緋魚袋後為襄陽丞其墓自
曾祖以下皆族以位時宋元刺
柳用相其事哀而旌之以銘

溫縣主簿韓君誌

有唐故溫縣主簿韓慎字某漢
高陽其先也徙于南陽貞元
十六年又調于天官署河陽丞

未拜十有一日暴病卒于長安
永崇里先人之后又十有一日
龜策聚吉附于成陽洪濟原先
人之墓

東明張先生誌

東明先生張氏曰因嘗有以文
薦於天子天子策武高以為長
安慰一年去印綬原為黃老
術詔許之病既亟以命回曰

吾生天室訖貞元乙酉歲十月
今死于汝之手盈吾志矣京師
吾生也平原先人之歸也必以
返葬乃自為誌而卒明年正月
某日葬如其言弟子某等為碑
以誌其墓

太府李卿外婦馬淑誌

氏曰馬字曰淑生廣陵母曰劉
客倡也淑之父曰摠既孕而卒

故淑為南康謳者李君為睦州
詆狂寇見誣左官為循州錄過
而慕焉納為外婦皆竄南海上
及移永州州之騷人多之舊日
載酒往焉聞其操鳴絃為新聲
撫節而歌莫不感動其音美其
容以志其居之遠而名之辱方
幸其若是也元和五年五月十
九日積疾卒于湘水之東葬東

岡之北垂年二十四

朗州負外司戶薛君妻崔氏墓誌

唐永州刺史博陵崔簡女諱媛
嫁為朗州負外司戶河東薛巽
妻三歲知讓五歲知戒七歲能
女事善筆劄讀書通古今其則
鳴絃桐颯詩騷以為娛始以
文雅清秀重於當世其後病惑
得罪投驩州請女蓬垢涕號柳

氏出也以叔舅命歸于薛元和
十二年五月二十八日既乳病
肝氣逆肺牽拘左膹巫醫不能
已暮月之日潔服飾容而終年
若干某月日迁柩于洛某月日
祔于墓在北印山南各承東

○墓誌式

董府君墓誌

公諱溪字惟深丞相贈太師隲

西恭惠公第二子十九歲明兩
經獲第有司沉重精緻未嘗有
子弟之過賓接門下 奉人士
侍側無虛口退而見其人淡若
與之無情者太師賢而愛之
除名徙封州元和六年五月十
二日死湘中年四十九歲公之
母弟素孝慈友弟公坐事棄同
官令歸公歿比葬三年哭泣如

始喪者大臣高其行白為太子
舍人將葬舍人與其季弟辭問
銘于太史氏韓愈愈則為之銘
韓退之

處士裴君墓誌

河東聞喜裴君諱某字某好李
未仕年若干元和十四年月日
終于京兆渭南墅君之弟中丞
公督桂州命其僚柳宗元以銘

君之出河間邢郡以來告曰曾
祖諱某寧州刺史贈戶部尚書
祖諱某起居郎父諱某尚書刑
部負外郎是年月日葬渭南某
里迂韋夫人之喪自萬年來有
俟猶異室柳子厚

志從父弟宗直殯

從父弟宗直生剛健好氣自字
曰正夫聞人善五以為已既聞

怨若已讐見佞色詭笑者不忍
與坐語善操觚得師法甚備融
液屈折奇峭博麗知之者以為
工作文辭淡泊尚古謹言律切
事類譔書文章為四十是
月二十四日出殯城西比若干
死七日矣吾歸與之俱志其
伯祖妣趙郡李夫人墓誌銘

夫人姓李氏辯族氏者 趙

贊皇之東祖祖某為某官父中
為軍父尉夫人生於良族巍然
殊異及笄德充於容行踐於言
高朗而不傷其柔嚴恪而不害
其和特善女工翦製之事又能
為琴秦声操縵之具婦道既
備宜為君子之配偶焉我伯祖
臨令府君諱某受夫人於李
氏之庙而歸于正室 諸姑合

以為斯志以從人之道內夫家
外父母家且又 志于我
故叙柳氏為備

戶部郎中魏府君墓誌

魏氏世墓于某縣某原唐興有
聞士諱之邊者與子及孫咸舉
進士嗣為儒家綿州涪城尉諱
全瑤魏州臨漢主簿諱欽慈太
常主簿諱緄尚書膳部員外郎

兼江陵少尹諱萬成凡五代名
高而不浮于行才具而不得其
祿江陵太君益之以閔達之量
經緯之謀故豪士賢大夫痛慕
加厚生即中府君諱孔簡字曰
裕之以文行知名由是處約
以終其世既歿家宰元其政視
原惟釜鍾視藏惟束帛無餘積
焉十有一月遣車歸于各師某

日稱于墓監察御史柳宗元聞
其道而玩其文也久居又同閭
故哀而銘之

亡姊裴君夫人墓誌

柳氏至于唐其著者中書令諱
爽中書之弟之子曰徐州府君
諱某實有孝德世其家業清
府君諱某繼之以茂實德清府
君諱某承之以善政以至于侍

御史府君諱某 貞信勁正達
于邦家克生賢女以配于裴氏
某年八月十八日甲子安厝於
長安縣之神禾原送于先塋祔
于皇姑宜也母弟號哭而為之
志嗚呼至哀無文至敬不飾
故無其辭

亡妻弘農楊氏墓誌

亡妻弘農楊氏諱某高祖皇司

勳郎中諱某司勳生殿中侍御
史諱某殿中生醴泉縣尉諱某
醴泉生今礼部郎中凝伐濟仁
孝號為德門郎中娶于隴西李
氏生夫人 及許嫁於我柔日
既卜乃歸于柳氏 遂于九月
五日庚午克葬于萬年縣樓鳳
原送先塋礼也是歲唐貞元十
五年龍集己卯為之註云

○ 葬誌式

馬室女雷五葬誌

馬室女雷五父曰師儒業進士
雷五生巧惠異甚凡事緣繡文
繡不類人所為者余觀之甚駭
家貧歲不易衣而天姿潔清脩
嚴恒若簪珠璣衣 敝寒然不
易為塵垢雜年十五病死死後
二日葬永州東郭東里以其媿

母為媿於余也 死曰吾聞柳
公嘗巧我惠我今不幸死矣安
得公之文志我葬其父母不敢
以云葬之日余乃問焉既而
焉以攻石之後也遂為砂書立
塋追而納諸墓柳子厚

○ 殯誌

志送父弟宗直殯

已見墓誌柳子厚

○權厝誌式

刺史崔君權厝誌

博陵崔君由進士入山南西道
節度府始掌書記至府留後凡
五徙職六增官至刑部員外郎
出刺連永兩州未至永而連之
人愬君御史 韋其獄坐流驩
州幼弟訟請朝天子黜連帥罷
御史小吏咸死投之荒外而君

不克復元和七年正月二十六
日卒 夫人河東柳氏德碩行
淑先崔君十年卒其葬在長安
東南少陵北君以竄沒家又有
海福力不克祔三年將復故葬
也後志其一二大者云柳子厚
亡姑渭南縣尉陳君夫人權厝誌

唐貞元十七年九月六日 前

渭南縣尉潁川陳君之夫人河

東柳氏終于平康里將終告于
陳君曰吾生四十有四年為陳
氏介婦九年謹飭不怠以至此
命也嘗謂君有貴位而不克
親之喪不得終紀皆天譴之大
者也且願殺礼以吾私近先
夫人之墓而定我焉將俟君之
不諱而歸復于正其可也陳君
乃卜十二月十八日權厝于城

南原曰棲鳳如夫人之志

連州司馬凌君權厝誌

年月日尚書都官員外郎和州
刺史連州司馬富春凌君諱準
卒于桂陽佛寺執友河東柳
宗元哀君有道而不明白于天
下離慙逢尤天其生且又同過
故哭以為志其辭哀焉

○歸柩誌式

先太夫人歸祔誌

夫人姓盧氏諱某世家涿郡壽
止六十有八元和元年歲次丙
戌五月十五日棄伐于永州
縣佛寺明年某月日安祔于京
兆萬年棲鳳原先侍御史府君
之墓其孤有罪銜哀待 不得
歸奉喪事以尽其志姪洎太夫
人兄之子 礼承事焉 灵車

遠去而身獨止玄堂暫開而目
不見孤囚窮 鬼逝心壞蒼天
蒼天有如是耶有如是耶而猶
言猶食者何如人耶已矣窮天
下之聲無以舒其哀矣尽天下
之辭無以傳其酷矣刻之堅石
石措之幽陰終天而止矣柳子
厚

叔妣陸氏夫人遷祔誌

夫人諱則字內儀姓陸氏家于
吳郡蓋江左上族以宗子在他
國家牒逸 故曾王父王父之
諱官不克究知而闕其文父覃
皇河南陸渾令夫人生而柔筭
而禮會伯勇為河南尹擬擇僚
家謂我文學掾仲父士林殊英
儒流推高故夫人歸于我夫人
之志也 遂以其年十二月十

三日庚午合祔于少陵原之墓
恭惟仲父之諱字夫人之爵齒
備于版文今不書懼再告也

○墓碑文式

故叔父殿中侍御史府君墓版文

柳氏之先自皇帝及周魯其著
者無駭以字為展字禽以食菜
為柳姓厥後昌大世家河東鳴
呼公諱某字某曾王父朝請大

夫徐州長史諱子夏遺貞白之
操表儀宗門王父朝請大夫滄
州清地 諱後裕垂博裕之道
啟祐後胤皇考湖州德清令諱
察躬子常以無兄弟移其睦於
朋友少孤移其孝於叔父 文
字敢用書宗人之辭以致其直
故質而俚輟哭紀事哀不能文
故叙而終焉柳子厚

蒼崖先生金石例卷之三終



國家圖書館, NATIONAL CENTRAL LIBRARY, TAIWAN, R.O.C.

蒼崖先生金石例卷之四

鄱陽楊本編輯校正

○銘文之始

事祖廣記云茶筵曰黃帝有金凡之名
王子年拾遺記曰黃帝以神金鑄
器皆有銘題凡所造建皆記其年
時此銘之起也

三禮圖云禮弓曰銘明旌也以死者為
不可別已故以其旗識之



註明旌神明之旌也

士喪禮云為銘各以其物亡則以
緇長半幅頽末長終幅廣三寸書
銘于末曰某氏某之柩

註銘明旌也雜帛為物大夫之建
也以死者為不可別故其旗識
之愛之斯錄之矣亡無也無旌
不命之士也半幅一尺終幅二
尺在棺為柩今文銘皆為名末

為旒也

竹杠長三尺置于宇西階

註杠銘幢也宇柩也

周禮司常大喪則供銘旌

註王則太常 司常或云王建
太常諸侯建旂孤卿建檀大夫
士建物則銘旌亦然但尺數異
耳 禮緯云天子之旌高九仞
諸侯七仞大夫五仞士三仞其

士喪禮竹杠長三尺則死者以尺為俛也天子九尺諸侯七尺大夫五尺士三尺其旌旗身亦以尺為俛也又從遣車之差蓋以喪事畧故也若不命之士則士喪禮云以緇布中幅長一尺也頽其末長終幅長二尺也緇頽共長三尺廣三寸書銘于末曰某氏某之柩竹杠長三天置

于宇西階上

荀禮論云祭祀敬事其神也其銘誄繫世敬傳其名也

註銘謂書其功於器物若孔悝之鼎銘者誄謂誄其行狀以為謚也繫世謂書其傳繫若今之譜謀也皆所以敬傳其名於後世

禮祭統銘之義稱美而不稱惡此孝

子孝孫之心也銘者論著其先祖
之有德善功烈勲勞慶賞聲名於
天下

前輩云銘婦人墓當詳於家世議論取
法於韓退之退之所作蓋出于碩
人之詩觀其銘元稹妻韋夫人墓
可見矣

銘式

權德輿世德銘

乃權公紀先世之德也四言無
序此又一例也肅行我祖玄鳥
自天天乙革夏武丁相賢手文
命子開國于權未云聿之誠大
懼不克夙夜以思敢銘世德

唐故悼王石塔銘

并序 唐開元五年歲在丁巳
四月庚午朔 十二日庚寅故
悼王薨於上陽之中禁曰二歲

而未及周嗚呼哀哉王即開元
神武皇帝第九之愛子也以其
月二十七日景申葬于萬安山
之東南嶺壙唯五尺棺不三尺
壘石塔一丈于其上不雕不礮
從尚薄也其銘曰角有萬安兮
北有洛城城可望兮天子京鳴
呼悼王寧不恣兮嗚呼悼王寧
不見兮俯素塔兮凌翠微空不

礙矣雲則飛嗚呼悼王兮其何
歸蘓頌

廬山女道士石碣銘

道山梁同微也 其銘無序四
言銘廬山玄德先生碣銘亦然
符載

河中府法曹張君墓碣銘

君字直之祖驩父孝新皆為官
宋間君嘗讀書為文辭有氣有

吏才嘗感激欲自奮拔功名以
見世初舉進士再不第因去事
宣武軍節度使得官至監察御
史坐事貶嶺南再迁至河中府
法曹參軍攝虞鄉令有能名進
攝河東令又有名遂署河東
事絳州闕刺史攝絳州事能開
朝建元和四年秋有事適東方
既還八月壬辰死于汴城西雙

丘年四十有七明年二月日葵
河南偃師妻彭城人世有衣冠
祖好順泗州刺史父泳卒蘄州
別駕女四人男一人嬰兒汴也
是為銘韓退之

虞部員外郎張府君銘

尚書虞部員外郎安定張君韓
季友 權年五十四病卒東都
塗進韓氏門伏哭庭下曰叔父

且死幾於不能言矣張目而言
曰吾不可無告韓君別藏而不
得韓君記猶不焚也塗為書致
吾意已而自署其與封散告以
請愈既與為札發書云云其未
有復語千萬永誌八字名日月
與封皆孝權迹 孝權為人孝
謹與人語忍傷之而時巖巖有
立與孝權游者甚衆而獨以其

死累余可尚也已 是為銘

東明張先生銘

匪祿而康匪爵而榮漠焉以虛
充言以盈言而不為華光而不
為名介潔而周流苞涵而清寧
幽觀其形與化相冥寂寞以成
其道是以勿嬰世皆狂狂奔利
死名我独浩浩端一以生或曰
先生友第以 慈幼以死若不

能忘情者何耶吾曰道去友耶
去慈耶送容以求其得之耶盪
莽狼悻道之非耶且夫虧恩壞
礼枯槁顛雜墮聖圖壽離中就
異歟然與神鬼為侶頑然以木
石為類倥侗而不實窮老而無
死先生之道固知異夫如此也
乃書于石以紀柳子厚

○墓銘式

李元賓墓銘

已辱賓元壽也者吾不知其所
慕天也者吾不知其所惡生而
淑孰謂其壽死而不朽孰謂之
天已辱元賓未高乎當世而行
出乎古人已辱元賓竟何為哉
韓退之

崔評事墓銘

朝之言嘻々夕之言怡々偕入

而出乘馬馱一日不見而死吁
其悲

施先生墓銘

先生之祖自施父其後施常事
孔子以彰讐為博士延為太尉
太尉之孫始為吳人曰然曰續
亦載其跡先生之興公車是名
纂序前聞于光有曜古聖人言
其旨密微箋注紛羅顛倒是非

問先生講論如客得歸卑讓肫
肫出言孔揚今其死矣誰嗣為
宗縣曰萬年原曰神禾高曰尺
者先生墓耶

盧君墓銘

盧君東美 愈謂立曰子未宜
也行不可一二奉且吾之生也
後不與而祖接不得詳也其天
者莫若衆所與觀所與衆寡茲

可以審其德矣乃祖未出而處也天下入夫士以為與古之夔臯者侔且可以為相其德不既大矣謀說周公孔子樂其道不樂從事於俗得所從不擇外內奮而起其進退既不合於義手銘如是可以示於今與後也於立拜乎唯唯君祖子輿濮陽令父同舒州望江令夫人之祖延

宗鄆州司馬父進成鄆州洛交
男三人楊申易女三人皆嫁
為士人妻墓在河南緱氏縣梁
國之原其年月日元和二年二
月十日云

大理評事胡君墓銘

胡之氏別於東明允先河東人
世勳固戴履自籍文譜進連倫
惟別允加武資力牛虎柔不持

吏夏陽有施為去平陽民思悲
河東土河陸原宜茲人肖厚完
五十七不足年孤兒啼死下官
母弟証扶夫人 君遺哭泣書
友韓愈司馬後作後銘系序初

衛府君墓銘

嗟惟君篤所信要無有弊精神
以棄餘賈於人外累自貴珍訊
表世述墓文

故相權公墓銘

權在商州世無不存滅楚徒秦
嬴劉之間甘泉始侯以及安丘
詆訶浮屠皇極之扶貞孝之生
鳳鳥不至爵位豈多半途以稅
壽考豈多四十而逝惟其不有
以惠厥後是生相君為朝德首
行世祖之文師之流連六官出
入屏毗無黨無讐舉世莫人所

悍為公勇為之其所執馳公絕
不窺孰克知之德將在斯刻詩
墓碑以永厥垂

覃季子墓銘

覃季子其人生愛書 甚尤介
持不苟受施讀經傳言其說數
家推太史公班固書下到今橫
堅鈞貴又且數十家道為書號
覃子史纂又取鬻老管莊子思

晏孟下到今其術自儒墨名法
至於狗彘草木凡有益才世者
為子纂又百有若干家篤於聞
不以仕為事黜陟、取其書以
氏名開除太子校書某年月日
死永州祁陽縣某鄉將死嘆曰
寧有聞而窮乎將無聞而豐乎
寧介而躓乎將潤而遂乎矣其
鄉後若干年柳先生來永州戚

其文不大於世求其墓以石銘
銘曰用其德豐其壽柳子厚

善人白公墓銘

齒以德尊師以道存習俗以教
迂惟仁人君子之所居若時雨
然羽山之類疋痛為獨媿心發
之彥方李業復於譙玄礼所以
初鄉長者而傳書先賢在昔兵
屯河曲雄邊爰及公家乃誦乃

絃身為義方奉之周旋兩息踞
踞起為傷先爰彼熒臺火伏在
泉振而鼓之有光屬天仲也銅
帝惠浹岐岬也奉璋入侍禁垣
藹兮芝蘭之庭炯兮珠玉之淵
州里趨風娟李蹀躞至於餘波
所及且孝弟而力田古有之種
德欲深望歲百年有相之道理
無空指祿匪我榮殆以為黨塾

亡窮之傳樂石有銘表公之所
異時配縣社之食尚有攻焉元
遺山

○墓誌銘式

裴君墓誌銘

裴為显姓入唐尤盛支分族雜
各為大家惟公之系德隆位細
日子曰孫厥声世繼晉陽之邑
愉愉翼翼無外無私幼壯若一

何壽之不遐而祿之不多謂必
有後其又信然耶韓退之

薛君墓誌銘

官不遂歸譏於時身不得年又
將尤難世再絕而終祭以不陳

韋夫人墓誌銘

詩歌頌人爰叙宗親女子之事
有以祭身夫人之累先公累卿
有赫外祖相我唐明歸逢其良

夫夫婦婦，獨不與年而卒。以天
寶生五子一女，之存銘于好辭，
以永于聞。

李公墓誌銘

高其上而坎其中，以為公之宮。
奈何乎公！

房君墓誌銘

有位有年，有弟有子。送先人葬，
是謂受祉。

石公墓誌銘

止之艱，成之又艱。若有以為而
止於斯。

韋公墓誌銘

武陽受業，始于太師。以官讓兄，
自待不幾。勤于紫閣，取益以早。
可謂有源。卒用無疵，慙慙為人。
矯矯為官，爰及江西。功德具完，
名聲之下。獨處為難，辨而益明。

伏者所歎碑于墓前維昭美故
納銘墓中以識公墓

畢君墓誌銘

上古愛民為官求苟可以任
位加其身其後喜權人自求官
退而緩者身後人先故廣平死
節而子不苟其澤王屋謹庶而
神不福其謙嗚呼天與人苟無
傷其穴與墳

盧丞墓誌銘

孔農諱懷仁沂諱 襄陽諱某
今年實元和六年

苗君墓誌銘

有行以為本有文以為華恭以
事其親而勤以嗣其家位卑而
年吁其奈何

孔君墓誌銘

允義孔君茲惟其藏更千萬年

無敢壞傷

杜君墓誌銘

杜氏大家世有显入承繼綿綿
以及公身始為進士乃篤朋友
及作大官克施克守簪辭奮筆
渙若不忍公牒盈前笑語指麾
祿以給求食以會同不畜不休
庫廩虛空事在于人口遠自忘
何以傳之刻此銘章

盧渾墓誌銘

前汝父母右汝兄汝送之居視
汝如生迂汝居兮日月之良汝
居孔固兮後無有歎如不信兮
視此銘章

息國夫人墓誌銘

男主外事治不為易施于其家
難治吏事又况公候族大而貴
夫人是專厥声惟懿昔在貞元

有錫白 啟封備服以時勲婉
婉夫人有籍宮門克承其後以
嫁以婚隨葬東土在河之陽送
望公墳而不同藏

王君墓誌銘

鼎者不可以車馬也不可使守
閭佩玉長裾不利走 祇繫其
逢不繫巧愚不諧其須有銜不
祛鑽石埋辭以列幽墟

扶風郡夫人墓誌銘

陰幽坤送維德之恒出為辯強
乃匪婦能淑哉夫人夙有多譽
承嬪大家不介母父有事賓祭
酒食稱飭協于尊章畏我侍側
及嗣內事亦莫有施 其躬
小大順之夫先其歸其室有丘
兮矣有銘壺矣是收

李君墓誌銘

不羸其躬以尚其後人

乳母墓誌銘

乳母李徐州人號正真 韓氏
乳其兒愈愈 未再周月孤失
怙恃李憐不忍棄去視保益謹
遂老韓氏及見所乳兒愈舉進
士第歷佐汴徐軍入朝為御史
國子博士尚書都官負外郎河
南令娶婦生二男五女時節慶

賀輒率婦孫列拜進壽年六十
四元和六年 月十八日疾卒
卒一日癸河南縣北十五里愈
率婦孫視窆封且刻其語于石
約諸墓為銘

盧太醫墓誌銘

政黃聖學炳如日星苟非其人
道不虛行 尚藥公有得內經
揆病之源起死而生為醫作鏡

底秉洞明道風既扇取重漢廷
陽報亦來壽考康寧脩然坐逝
歸神太清太和安流扶衛厥靈
扁鵲陽陰實魏大名選之華胄
復起魏京古今世業前後家聲
遺書具在永為世程元遺山

張君墓誌銘

履潔脩体秉嘉內美充福不遐
哀之蒼天孰使然耶天耶人耶

其父母耶從容以思其得之耶
茁其芽鬱其華其實孔多父播
而子獲穰之滿家故曰某源豈
能其流江河溯兮其未涯不有
以浚之其奈何然則古所謂
不於其身以於其子孫者尚信
然耶尚信然耶

○墓碣銘

河中府法曹張君墓碣銘

已見銘式

蘧然子墓碣銘

蘧然子諱滋字濟甫姓趙氏本
出馮相其大父天會元貞間來
為汴梁籍判官卒官下妻子不
能歸遂為汴人父諱青字漢卿
蘧然子二男長其次某 亂中
所失小子尚幼二女次即孟卿
所娶蘧然子春秋五十有九以

病終槿葵于東平沂州門之外
若干步庚子歲除日予實銘之
其銘曰精之々漢守之々堅傳
人之所不傳兼人之所獨專自
拔泥途如蚊而僂文以表之愈
彼泉石難愛我豈以一言而敢
私焉元遺山

張遵古墓碣銘

茫茫之原景景之阡行人而歸

何千萬年有子而傳孰不教揚
其光今君独然德則人而死而
不亡則天吾是以知其人之賢

○墓磚銘

下殤女子墓磚銘

孰歿也而孰生名也而死焉送而
求焉往而止竟氣無不之也骨
肉歸復於此柳子厚

小姪女墓磚銘

字為雅氏為柳生甲申死巳丑
日十二月在是日葬東岡首
生而惠命則夭始也無今何有
質之微當速朽銘茲瓦期永久

○墓銘式

女孀墓銘

汝宗葬于是汝安歸之惟永寧
韓退之

蒼崖先生金石例卷之四終



國家圖書館, NATIONAL CENTRAL LIBRARY, TAIWAN, R.O.C.

蒼崖先生金石例卷之五

鄱陽楊本編輯校正

○古墓表式

恭致遠墓表

周景和墓表

周無晦墓表

李德元墓表

楊希節墓表

智氏夫人墓表

司馬夫人墓表

呂氏夫人墓表

唐元夫墓表

墓表式

文通先生陸給事墓表

郡人陸先生質以其師友天水
侯助伯趙直能知聖人之旨故
春秋之言及是而光明使庸人
小童皆可積學以入聖人之道
傳聖人之教是其德豈不侈大
矣哉先生字某既讀書得制作
之今而獲其師友於是合古今
散同異聯之以言累之以文蓋

講道者二十年書而志之者又
十餘年其事大備為春秋集註
篇辯疑七篇徵旨二篇 用是
為天子爭臣尚書郎國子博士
給事中皇太子侍讀皆得其道
刺二州守人知仁永貞年侍東
宮言其所學為古君臣圖以獻
而達達手上是歲嗣天子踐祚
而理尊優師儒先生以疾間臨

金石例卷五
問加禮某月日終于京師某月
日葬于某郡某里 將葬以先
生為能文聖人之書通于後世
遂相與謚曰文通先生後若干
祀有學其書者過其墓哀其道
之所由乃作石以表碣柳子厚
殿中侍御史柳公墓表

唐貞元十二年二月庚寅葬我
殿中侍御史河東柳公於萬年

縣之少陵原公諱某字某邑居
於虞鄉曾王父某官王父某官
皇考其官奕世餘慶叢而未稔
濟德流祉其後宜人秀而不實
為善者感嗚呼哀哉 故友諸
生宗人外姻號 會葬哀禮咸
申克定方堂掩坎廣輪願盼無
依徘徊增哀願勒休声延垂後
賢於是汝南周公 等相與琢

石書德用圖不朽文曰抱元淳
稟粹和既毅又柔嘉登儀曹耀
文章司學徒儒風揚自渭北佐
朔方政閉黔首康冠惠文垂
永棠才不施天茫茫刻樂石篆
遺德延休烈垂憲則於萬年長
無極

朝列大夫張公墓表

公諱公字庭俊張氏初名守

以夢兆改焉世為太原陽曲人
曾大父某知宋將亂隱居不仕
大父祕好讀書尤長于術數卜
葬東山之大小石谷自言却後三
十年吾宗當有文達者已而果
然考諱某資稟寬緩輕財好施
以詩書棊酒自適後門公貴封
朝列大夫生三子公其季也先
大夫履正奉公惟義所在死生

禍福無所顧籍天下大夫士飽
聞而厭道之果得掛名表誌自
記不腐鄉里晚生預有榮焉敢
不惟命是聽乃退而論次之而
系之以銘銘曰平易而仁卓魯
之近民發奸擊強道張三王之
所以神此在公為一節固已無
望於時之人若夫確固而不移
質直而無文直前徑行唯義所

有言責則致其忠有官守則致
其身名節凜然獨為不二心之
臣文公之風益知鄙夫之不可
以事君元遺山

御史張君墓表

謹按中奉大夫以治書侍御史
守中州刺史張君諱汝明字子
玉世家汝上曾大父靖大父彥
皆潛德弗耀父恕用君貴贈中

議大夫母程氏清和郡君君
三喪喪父程母故衣冠家而有
賢行力課與君亦能自樹立如
成人弱冠擢大安元年經義進
士第君資稟厚重與人交敦
仁義平居恂恂似不能言及當
官而剛介有守論議純正人不
能奪仕宦二十年家無餘資其
他尚多可稱弗著著不為窮達

易節者銘曰汶之洋洋思聖有
堂禮樂衣冠此謂之鄉維御史
君尤魯士之良沈潛而剛耆艾
艾而敦龐可以為公卿大臣訓
于四方昔往矣秉筆帝旁藹然
粹溫如珪如璋今來斯微服累
艱衡門棲遲詠歌虞唐謂其逢
也耶茫乎及夜舟之藏其不逢
也耶焉如晚節之昌抱明月

而長終懷舊俗而不忘在君為
樂天而識者涕滂林溪而蘭芳
風雨如晦而雞鳴有常世無良
史久矣孰為發幽潛之光

司農丞康君墓表

君諱錫字百棣姓康氏世為寧
晉人 中崇慶二年進士第釋
褐襍陽簿警巡判官辟彭原令
入為尚書省 考滿遷開封府

判官尋拜監察御史言宰相侯
摯師安石非相材提點近侍局
宗室安之彥勢熾公門請托
不可使久在禁近朝議偉之選
授右司都事遷京南路大司農
丞破上蔡諸縣群不逞把 之
黨 種人以賄汚尤狼籍者五
六革宰相有不說者云康錫不
欲吾種人在仕路即因以飛語

之出為河中府治中充行尚書
六部郎中城陷投水死時年四
十八

陽曲令周君瑛表

君諱鼎字器之姓周氏世為定
襄人迂陽曲令崔河東北路轉
運司戶籍判官帥府檢察 又
明年鴈門破兵勢駸駸而南鄉
曲以太原不可保趣君弟猷臣

就謀去就君為猷臣言城不保
必矣我臣子也尚欲逃死乎猷
臣欲挈君妻子以出君又不可
曰吾守官於此而不以妻子自
隨是懷二也吾弟往吾死於此
矣乃與之泣別于北門之外是
歲城陷沒於矢實與定二年九
月六日也得壽三十有七官奉
直大夫

史邦直墓表

邦直諱元姓史氏世為武陵人
某年迂河內乃占籍焉 迂管
句黃河漕運未幾河內破右承
仲德行臺徐州檄邦直守禦注
授彭城令尋轉充觀察判官危
急存亡之際多所建白仲德甚
倚重之喪亂後間關東歸歲戊
戌十二月二十有六日春殊五
十有七以疾終于州之私第邦
直為人軀幹雄偉望之如羽人
劍容而處事詳雅倉猝無失辭
事母孝持故舊有終始身沒之
日識者多嗟惜之

御史孫公墓表

正大中內帑被盜所失皆慈宣
宮珠其上怒某公時為監察御
史被詔按其事而無迹可尋法

官讞 欲棄公者 公執奏緩
之會赦得原汴民李氏女有姿
色已許嫁矣首相白 之姪恃
勢奪婚且欲以為妾 訴於官
官畏徇不為理遂訴於公 為
奏聞詔還已許八年親享太廟
却因夫人溫敦氏過廟門而不
僵蓋公劾奏以為失臣妾礼上
不忍加媿毋罪勅有司 御者

百仍罰俸以愧之舊制承天門
非搗軍不登一日上故登馬公
奏人主不可示民不信上即日
為公搗軍庚寅卒卯以來雖軍
出屢勝而亡微已且危急存亡
之際大夫士以自保為幸或高
蹈遠引脫履世務或酣歌縱酒
苟延歲月公獨正色五朝取
自信言事數十條藹然有承平

之風 公諱德秀字伯華其先
涇州長武人大父 遭靖康之
亂流寓太原之文水因家焉

曹徵君墓表

歲丙午秋七十有四嗚呼哀哉
以疾終于襄陰之寓世豈復有
救厄者艾之士如君者乎
君諱珪姓曹氏子玉其字也
君既老自號蠶老老人有卷闌

集三卷藏于家銘曰仁信而篤
誠寬博而和平以儒行繫之衆
善并何負於人而不能百齡豈
無百齡孰愈君之名城郭千年
貞石有銘曰是維子曹子之墓
尚可以為知人之榮也

善人白公墓表

公諱某字全道姓白氏 公資
稟聰悟而謹厚自持畧通經史

精究曆算中年晚嗜佛書皆所
成誦為人敦信義樂施予一言
所諾千金不易家人化之皆以
賢行稱焉正大中累贈中大夫
輕車都尉南陽郡伯兩夫人南
陽郡太君維火山自太平興國
中并為軍雖有學校而肄業者
無幾宣和末僅有 全宋生歷
大定明 官學之盛然後公一

一子擢魏科取莢仕邦人華亭
以榮鄉名之屏山李君之 為
作記辭典事稱相為不朽故公
雖窮不受社所以起其家與善
化一鄉者其利豈有既耶

南峯先生墓表

先生諱豫字彥光姓呂氏懷州
脩武人祖道父瑛皆力田為業
先生自成童知讀書既冠游學

東州以易為專門經明行脩高
出倫輩 德先生廣道特器重
為一時名士如秀容折安上濟
陽王善長安瑒苗景藩館陶陵
昌冠氏孫希賢田子發從之學
者甚衆故家近大行五峯山因
以為號示不忘本也有易說若
干卷

施州房使君鄭夫人殯表

夫人之先出於周以鄭為氏曰
初侯曾祖諱 諱玠厥考之絳
成垂休歸于房宗生九子左右
黍稷祠春秋道順德嚴且裕
宜壽而富令何謬永貞久至前
四日寓殯墳此非其女韓退之
故弘農令柳府君墳前石表

少陵原柳氏之大墓唐貞元十
九年某月日孤某奉其先府君

泊夫人祔于其位由新墓而南
若干步曰高祖王父蘭州府君
諱某字某之墓又東若干步曰
曾祖王父邠州府君諱某之墓
西若干步曰祖某王父司議郎
府君諱某之墓咸異兆而相望
昭穆之有位序壤樹之有豐殺
皆如律令府君諱某字某由父
任為太廟齋郎更許昌陽武伊

闕華原尉王屋丞汝陰令為弘
農二年推其誠心裕于其入
年五十五建忠二年某月日卒
于官以其素廡家之蓄不足以
充凶事遂殯于是邑柳子厚
先侍御史府君神道表

嗚呼先君之墓仲父殿中君誌
焉孤宗元不敢稱道先德然而
無以昭于外者用敢悉取仲父

之所陳而繁其辭刻茲石表先
君諱鎮字某六代祖諱慶後魏
侍中平齊公五代祖諱日周中
書侍郎濟陰高祖諱楷隋刺
齊房蘭郭四州曾伯祖諱奭字
子燕唐中書令曾祖諱子夏徐
州長史祖諱從裕滄州清也今
皇考諱察躬湖州德清令世德
庶孝颺于河澨士之稱家風者

歸焉嗚呼宗元不謹先君之教
以陷大禍幸而緩于死既不克
成先君之寵贈又無以寧太夫
人之飲食天殛荐名在刑書不
得聞方堂以奉安附罪惡益
大世無所容尚願嗣續不敢即
死支綴氣息以嚴邦刑大懼祭
祀之無主以忝盛德敢用特牲
昭告神道號呼萬里以畢其辭

云

臨海弋公阡表

公諱潤字大澤姓弋氏系出臨海占籍汝州之梁縣者不知其幾貽穆矣大父整二子長曰洪次曰海洪娶張氏二子曰祐曰福海娶酒氏公其所生子也弋氏自先世不異財公蚤孤能自樹立如成公殖產倍于舊祐

歸未分居公謂祐言家所有所父兄所積潤但謹守僅無損耗耳兄孝歸請悉主之潤得供指使足矣祐悔悟曰吾弟忠敬如此我乃為讒口所間慚恨無所及尚欲言分異耶乃更相友愛壬辰河南破公挈家避于西山破公家亦避驅逐幸見公稠人中請於主帥云此吾鄉善

土其繼遺之帥遺公奉家去是
夜所俘悉之里社為空公家独
全親舊嗟曰為善之報見之今
日矣明年春鄉郡游騎遍滿公
自度不能受辱乃自投水中得
年若干實某年月日也元遺山

○墳記式

韋夫人墳記

韋夫人終成都殯萬年迁柩渭

南祔而不合大矣未利以俟礼
也其族系如某人之誌 用元
和十四年月日子某為石刻而
納諸壙柳子厚

○誄式

衡君刺史東平呂君誄

維唐元和六年八月日衡州刺
史東平呂君卒爰用十月二十
四日藁葬于江陵之野嗚呼君

有智勇孝仁惟其能可用康天下惟其志可用經百世不克而死世亦無由知為君由道州以隄為衡州君之卒二州之人哭者逾月湖南人重社飲酒是月上戊不酒去樂會哭于神所而歸余居永州在二州中間其哀聲交于南北舟楫之下上必呱呱然蓋嘗聞于古而觀于今也

君所居官為第三品宜得謚于大常余懼州吏之逸其辭也私為之誄以志其行其詞曰 死魯郊其灵不施濯々夫子故絜其儀冠仁服義干櫓書詩忠貞絳佩智勇承綦跨騰商周堯舜是師道不勝禍天固余欺鬼神不怒妖孽咸疑何付之德而奪其時嗚呼哀哉命姓惟呂勤唐

以力輔寧萬邦受 爾維師元
聖周以降德世征王侯伊相之
則嗣濟厥武書是式至于化光
爰擢其特春秋之元儒者咸惑
君烏孔直聖人有心由我而得
敷施變化動無不克推理惟公
舒文以翼宣于事業與古同極
道不苟用資仕乃揚進于礼司
奮藻含章決科聯中休問用張

署讐百氏錯綜逾光超都諫列
屢皂其囊帝殊尔能人服其智
戎悔厥禍款邊求侍威選邦良
難乎始使君登御史贊命承事
風動海需皇威以致耒總征賦
甲茲卽吏制用經邦時惟重器
諸臣之復周官匪易漢謀踐奏
鮮云能備君 他曹載 其枝
筆削自任群儒華議正卽司刑

邦憲為貳糾佞肅邪 訣具
畏迂理于道氏那休嘉恩殊若
肥傷迹如遐 閉其閭而撫于
家載其掄樂申以舞歌賦無更
迫威不加浩然順風浚令無
諱踪蠶外色我爾盈車雜耕隣
邦我黍之華既字其畜亦藝其
麻鼙鼓斯筭人喜其多始富其
教興良廢邪考績既成王用興

嗟陟于嶽濱言進其號呼南竭
謳謠北溢敷吏悍民先声如失
道 匿役歸誠自出兼并既息
罷羸乃惟昔 善盜奔于隣今
我其興仁化為齊人惟昔富人
或販之粟今我厚生不竭而足
邦思其獨人戴惟父善胡名災
仁胡淮谷俾民伊祐而君不壽
矯矯貪凌乃康乃茂嗚呼哀哉

廩不餘食歲無積帛內厚族姻
外調賓客恒是懸營逮茲易簀
僮無凶服葬非舊陌嗚呼哀哉
君昔與余講德討儒時中之奧
希聖為徒志存致君笑詠唐虞
揭茲日月以耀群愚疑生所怪
怒起特殊齒舌噉噉雷動風驅
良辰不偶卒與禍俱直道莫試
嘉言同敷佐王之器以郡符秩

在三品宜謚王都諸生群吏尚
擁長圖故友咨懷累行陳謦是
旌是告永永不渝嗚呼哀哉柳
子厚

虞鳴鶴誄

維某年月日前進士虞九皇字
鳴鶴終于長安觀仁皇既克葬
于高陽原三三友生皆至于墓
哀其行之不昭于世追列遺懿

求諸后土申薦嘉名寔曰恭甫
乃作誄曰吳虞之分爰宅上陽
其後優游在越為鄉延誦輔漢
恢定封疆東徒之賢時維仲翔
曰預曰喜在晉克彰義篤斯文
有苾其芳書多能垂曜于唐洎
于漢陽世德以昌毘贊尚文林
徽用楊惟我先君並詩翔翔洽
注記室蔚其耀光賓契伯仲永

永不忘漢陽元子實紹其美傳
襲儒風彪炳文史克恭以孝惟
礼是履譽洽于鄉論為秀士百
郡之選叢于京師昧沒籍乘凌
蔽欺生之始至則奮其儀退默
以謙人而隨名紳是挈先進咸
推方出群類振耀于是禍舅氏
漂淪海沂棒計號呼匍匐增悲
喪有幼主礼或多遺孰徇于名

而不是思投袂就道乘艱若夷
竭誠喪具申敬裳惟萬里來復
祇稱于墓處不凌節儉而有度
由其溫恭守以貞固行道咨嗟
觀禮典慕復從鄉煥發其華克
再舉聞于邗家倚閭千里歡咏
斯多姻族盈門載笑且歌君之
不淑名立志沮慶歸其鄉身終
逆旅生死已間壽觴方舉賀書

在途委骨歸土哀 易地吊慶
交戶神胡不仁降此大苦嗚呼
哀哉惟昔夏首羈貫相親道家
脩好講道為鄰既冠于祚思致
其身并于司徒及爾繼年交歡
二紀莫間斯言偷乎其和確爾
其堅更為砥礪咸去韋絃今則
遽亡吾其欷然嗚呼哀哉誅行
謀謚惟古之道生而無位歿有

其號惟是友生能徇頽爰用
一惠幽明是告溫々其恭惟德
之經先民有作今也是旌咄呼
恭甫欽此嘉名

○行狀式

惟韓退之董公行狀如式開書
餘並疏始末於其下文体之異
隨事詳酌焉

故金紫光祿大夫檢校尚書左僕射

同中書門下平章事兼汴州刺史
充宣武軍節度副大使知節度事
管内支度營田汴宋濠潁等州觀
察處置等使上柱國隴西郡開國
公贈太傅董公行狀

曾祖仁琬皇任深州博士

祖大禮皇贈右散騎常侍

父伯良皇贈尚書左僕射

公諱晉字混成河中虞鄉萬歲里人階

累升為金紫光祿大夫勳累升為上柱
國爵累升為龍西郡開國公娶南陽張
氏夫人後娶京兆韋氏夫人皆先公終
四子全道溪全素澥全道全素皆上所
賜名全道為秘書省著作郎溪為秘書
省秘書郎全素為大理評事澥為太常
寺太祝皆善士有學行謹具歷官行事
狀伏請牒考功并牒太常議所謚牒史
館請垂編錄謹狀

貞元十五年五月十八日故吏前汴
宋毫穎等州觀察推官將仕郎試
秘書省校書郎韓愈狀

唐故贈絳州刺史馬府君行狀

君諱某字某其先為瀛姓當周
之衰處晉為趙氏晉亡而趙氏
為諸侯其後益大與齊楚韓魏
燕為六國俱稱王其別子趙奢
當趙氏破秦軍闕與有功號馬

服君子孫由是以馬為氏拜太僕少卿疾病一年貞元十八年七月二十五日終于家凡年四十有五其第少府監暢上印綬求贈絳州刺史布帛百疋夫人滎陽鄭氏王屋縣令况之女有賢行侍君疾通年不下堂食菜飲水藥物必自擇將進輒先嘗方書本草恒置左右子男

二人赦前左衛倉曹參軍右清道率府曹曹參軍女子二人
在室雖皆幼侍疾居喪如成人
愈既世道家詳聞其世系事業
今葬有期日從少府請擬其大
者為行狀記立言之君子而圖
其不朽焉

故銀青光祿大夫右散騎常侍輕車
都尉宣城縣開國伯柳公行狀

如韓退之式但多開州縣鄉里
姓名并年耳 曾祖善才皇朝
王侍讀 祖尚素皇潤州曲阿
縣令 父慶休皇渤海郡縣丞
贈蔡州刺史工部尚書 汝州
梁縣深城鄉思義里柳渾年七
十四狀 公字維淡其先河東
人 夫其子恭父慈善行也拊
循淵理能政也直廉潔靜儉德

也拒疑獨斷明識也冒危以扞
牧圉大節也犯顏以陳訏謨至
忠也有一于此尚宜旌褒矧茲
備休焉可以已固當歸以榮號
章示後來而故吏遺孤淪寓遐
壤久稽彝典罪在宗屬敢用詳
隲舊行敷贊遺風若乃揚孔氏
褒貶之文奉周德勸之法微於
誅謚則有司存謹狀

故秘書少監陳公行狀

五代祖某陳宜都王曾祖某望
會稽郡司馬 祖某望晉陵郡
司功叅軍 父某望右補闕翰
林學士贈秘書少監 其州某
縣某鄉某里陳京年若干狀公
姓陳氏自潁川來隸京兆萬年
胄貴里諱京既冠字曰慶復舉
進士為太子正字咸陽府太常

博士左補闕尚書膳部考功員
外郎司封郎中給事中秘書少
監自考功以來凡四命即集賢
學士德宗登遐公病涸與曳就
位備哀敬之節由是滋甚遂以
所居官致仕貞元二十一年
月二十五日終于安邑里夫其
忠烈之褒也相府之有誠也太
廟之東向也昭陵之不更其故

也官守之不可奪也立言之不可誣也利之不苟就也害之不苟去也其忠類朱雲其考類顏考叔廉類公儀休而又文以文之學以輔之而天子以為之知既得其道又得其時而不為公卿者病也故議者咸惜其始而哀其終焉公之喪凡五十四日而夫人又沒毀也夫人之父曰

偕司農祖曰某贈太子太保某故集賢吏也得公之遺事於其家書而授公之友以誌公之墓謹狀永貞元年八月五日尚書禮部員外郎柳宗元狀

韓昌黎先生行狀

李翱 前式大抵相類故止附見其目當意推之後倣此

吏部侍郎沈公行狀

在牧之

御史大夫清河公崔公行狀

國子祭酒韓洄行狀

權載之

宣州觀察使王凝行狀

司空 聖

尚書戶部侍郎蔡公行狀

歐陽永叔

司封員外郎許公行狀

歐陽文忠公行狀

吳充

司馬溫公行狀

蘇子瞻

○論行狀語錄

朱子語錄云韓文子變萬化無心變歐陽有心變杜祁公墓誌一件未了又說一件韓董晉行狀尚稍長權德輿作宰相神道碑只一板許歐

蘇便長了。

○名號稱呼類
大行

李善文選註周書曰謚者行之
照是以大行受大名細行受細
名風俗通曰皇帝新崩未有
定謚故統其名曰大行皇帝
禮記曰天子死曰崩諸侯曰薨大夫曰
卒士曰不祿庶人曰死

註異死名者為人褻其無知若
猶不同然也自上顛壞曰崩薨
顛壞之聲卒終也不祿不終其
祿死之言漸也精神漸盡也
禮記曰天王崩告喪曰天王登假措
之廟立之主曰帝

假音遊 莊子其死登假三年
而形遊解證楚辭遠遊云載營
魄而登霞兮掩浮雲而上征朱

氏註曰霞與避同猶曰適遠云
尔曲礼告喪之辭乃又借以為
死之美稱莊子作登假蓋亦此
例但此篇註者遂解為赤黃之
氣釋莊音又讀假為格而訓至
焉則其誤愈遠矣

禮記曰壽考曰卒短折曰不祿

注祿謂有德行 為大夫士而
不為者老而死送大夫之稱少

而死送士之稱

王父曰皇祖考王母曰皇祖妣父曰皇

考母曰皇妣夫曰皇辟生曰父曰

母曰妻死曰考曰妣曰嬪

韓魏公祭式元遺山記其大略姑錄之

古人書曾祖皇祖皇魏公易皇以

顯字顯曾祖顯曾祖妣顯祖顯祖

妣顯考顯妣妻先亡曰顯嬪妻祭

夫曰顯辟穆甫兄弟曰顯穆甫

諸三品官以上職事官身故者若係親
賢勳舊皆有司錄奏取旨贈官

官戒未至而特旨追贈者不拘
此限

諸謚職事以上三品散官二品以上從
吏部勘當善惡仍下所屬追取行
狀聞移禮部呈省聞奏若有旨議
謚即下太常寺擬謚訖申省議定
奏聞

如有司不以時降行亦許本家
陳請

其官職未至而德行起異者特旨
議之人亦准此

古金石例云南京赤倉高太皇祖母瑩作
昭穆葬小兒子死共葬一處謂之
學堂小女共葬一處謂之綉堂別
有乳母墳師友墳師友墳以葬門
客等

○時忌字樣類

古金石例云不敢稱皇字與隧字

○書碑額例

真字八分書謂之題額篆字則云篆額

今畧舉一二式附于後并撰書

建五附

夫子廟堂記

駕部郎中程浩撰

朝議郎判尚書武部員外郎柳瑯顏

真卿書

朝散大夫檢校尚書都官郎中東海

徐豪篆

唐天寶十一載歲次壬辰四月乙

丑朔二十二日

丙戌建在記後

重脩蜀先主廟碑

儒林郎前鄭州防禦判官提舉學校

常卒倉事武騎尉賜緋魚袋

王庭筠撰書篆

柳州羅池廟碑

尚書吏部侍郎賜紫金魚袋韓愈撰
中書舍人史館脩撰賜紫金魚袋沈

傳師書

朝議郎桂管觀察大師試太常寺

協律郎上柱國陳曾篆額

此與建立俱在碑後

長慶二年正月十一日桂管都防

禦先鋒兵馬使朝散大夫

試左衛長史孫季維建立

○書碑陽例

蘓子瞻韓文公廟碑小字本後云載再

啟題于後

○書碑陰例

後周尉遲迥碑在相下刻不蔡有隣書
并陰

又寶刻叢編云漢 熊碑亦有

碑陰

○僧碑

論僧碑宜書不宜書

柳子厚大明和尚碑陰凡蔡大浮圖無窳穴其於碑不宜然昔之公室礼得用碑以葬其後子孫因宜不去遂銘德行用圖久於世及秦刻山石號其功德亦謂之碑而其用遂行然則雜浮

圖亦宜也凡蔡大浮圖其徒廣則能為碑晋宋尚法故為碑者多法梁尚禪故碑多禪法不周於禪不天行而律存焉故近世碑多律凡蔡大浮圖未嘗有比丘丘主碑事今惟無染實弟淚以求其志益堅又能言其師他德尤備故書之碑陰

宋景文筆記論僧碑不宜書

○論碑文合書不合書

歐陽永叔陳文忠公神道碑

公諱賓前娶曰 祀國夫人宋
氏後娶曰沂國夫人王氏子男
十人長曰 古 秦公三子長
曰堯叟為樞密使同中書門下
平章事季曰堯咨為武信軍節
度使皆舉進士第一人及第三
子已貴秦公尚無恙每賓客至

其家公及伯季侍立左右坐客
踏不安求去秦公笑曰此兒子
輩耳故天下皆以秦公教子為
法而以陳氏世家為榮公之孫
四十人曾孫二人曾伯季之後
若子若孫若曾孫六十有八人
女若孫曾五十有四人而仕於
朝者多以材稱於時嗚呼可謂
盛矣 其文如此皆所宜書者

故備列之云

齊人曹元野云濟南李昌道作李千戶
先塋碑其間不書李千戶之妻某
氏只寫子幾人其妻怒元野添上
說知昌道公言不可書為婦人未
終如何散書婦人此是前輩所傳
如此

○書銘陰例

唐相國房公德銘之陰

房瑄也 天子之三公稱公王
者之後稱公諸侯之人為王卿
士公曰公有土封其臣稱之曰
公尊其道而師之 曰公楚之
潛凡為縣者皆曰公古之人通
謂年之長老曰公唐之大臣以
配公最著者曰房公房公相左
宗有勞于蜀人咸服其節相甫
宗作訓於 人咸尊其道惟正

真慈愛以成於德用事進退所
居而事理辨所去而人哀瘼埋
袁人袁人不勝其懷為文士趙
郡李華銘公之德亂故不克立
刺史太原王涯嘉公之道猶在
乎人人不忘公之道為之刻石
王公嘗以機密匡天子于禁中
承公之道刻於我邦由公之理
又能尊公之德起遺文以昭前

烈則其入為卿士三公也孰曰
不宜吾惧其去我也遽願書于
銘之陰用永表於邦之良政柳
子厚

蒼崖先生金石例卷之五終

蒼崖先生金石例卷之六

鄱陽楊本編緝校正
韓文公銘誌括例

自宦業俊偉者敘起而以世系妻子居
後

朝散大夫贈司勳負外郎孔君墓
誌銘六卷

自急流勇退者敘起次履歷家世而以
死葬居後

正議大夫尚書左丞孔公墓誌銘

三十三卷

自事契叔起次履歷家世于女而以葬
年月居後

考功員外郎盧君墓銘四卷

先敏姓字三代次履歷而以妻子居後

崔許事墓銘三卷

清邊郡王楊燕奇碑文四卷

河南少尹裴君墓誌銘四卷

國子助教薛君墓誌銘四卷

江西觀察使韋公墓誌銘五卷

國子司業竇公墓誌銘三卷

太原府參軍苗君墓誌銘五卷

清和郡公房公墓誌銘七卷

銀青光祿大夫贈工部尚書太原

王公神道碑七卷

殿中侍御史李君墓誌銘八卷

朝散大夫商州刺史除名徙封州

董府君墓誌九卷

祕書少監贈絳州刺史獨孤府君

墓誌銘九卷

檢校尚書左僕射統軍劉君墓誌

銘九卷

監察御史衛府君墓銘三十卷

河南張君墓誌銘三十一卷

鳳翔隴州節度使李公墓誌銘三卷

江南龍察使中大夫洪州刺史中

丞贈常侍太原王公神道碑銘

三十一卷

司徒侍中中書令贈太尉許國韓

公神道碑銘三卷

先叙家世

興元少尹房君墓誌銘五卷

集賢校理石君墓誌銘五卷

河南府王屋縣尉畢君墓誌銘三卷

中散大夫河南尹杜君墓誌銘三卷

銀青光祿大夫襄陽郡王平陽路

公神道碑銘二卷

故相權公墓碑三卷

柳子厚墓誌銘三卷

昭武校尉守左金吾衛將軍李公

墓誌銘

朝散大夫尚書庫部郎中鄭君墓

誌銘三卷

朝散大夫越州刺史薛公墓誌銘

三十二卷

中大夫陝府左司馬季公墓誌銘

三十四卷

號州司戶韓府君墓誌銘三卷

韓滂墓誌銘五卷

不書家世而書履歷

李元賓墓銘四卷

不書家世履歷而言丹旆之害

太學博士李君墓誌銘三卷

先敘死年月起

施先生墓銘四卷

登封縣府盧殷墓誌銘五卷

先叙死者葬地

河東觀察鄭公神道碑文六卷

先叙姓名履歷而以三代妻子居後

試大理評事王居墓誌銘七卷

江南觀察贈常侍太原王公墓誌

銘三卷

幽州節度判官贈給事中張君徹墓誌銘三十四卷

無履歷可叙者

處士盧君墓誌銘三卷

韓滂墳誌三十五卷

考功員外郎盧君墳銘二卷

僅有初筮可書者

李元賓墳銘二卷

登封縣尉盧殷墳誌銘五卷

河南王屋縣尉畢君瑱誌銘五卷

號州司戶韓府君瑱誌銘五卷

叙文詞之盛者

施先生墓銘四卷

貞曜先生孟郊墓誌九卷

南陽樊紹述宗師墓誌銘三卷

自賜廟叙起

烏氏廟碑銘六卷

魏博節度觀察使沂國田公先廟

碑銘六卷

自乞銘叙後

河南少尹李公墓誌銘五卷

袁氏先府碑二卷

貞曜先生孟郊墓誌九卷

庫部員外郎張府君瑱誌銘九卷

中散大夫少府監胡良公墓神道

碑三卷

有誌無銘

登封縣尉盧毅墓誌銘五卷

襄陽盧丞墓誌銘五卷

河中府法曹張君墓碣銘五卷

殿中少監馬君墓誌三卷

具州司法參軍李君墓誌銘四卷

太學博士李君墓誌四卷

述其妻子之辭

朱子謂別是一体此文之變

襄陽盧丞墓誌五卷

河中府法曹張君墓碣銘五卷

虞部員外郎張府君墓誌九卷

殿中少監馬君墓誌三卷

貝州司法參軍李君墓誌四卷

法楊子雲造語

洪氏云朱子謂用字奇古

曹成王碑八卷

王臨川以為銘之奇者

試大理評事王君遠墓誌八卷

故幽州節度判官贈給事中清河

張君塋誌

三卷
四卷

樓迂齋所取者

殿中少監馬君塋誌

三卷

唐故河中府法曹張君塋誌

賜廟碑體

烏氏廟碑銘

二卷

魏博節度觀察使沂國田公先廟

碑銘

二卷

袁氏先廟碑

二卷

郡王碑體

清邊郡王楊燕奇碑

二卷

曹成王碑

二卷

銀青光祿大夫襄陽郡王平陽路

公碑

公相銘誌體

檢校尚書左僕射統軍劉公塋誌

銘

二卷
九卷

故相樞公墳銘卷三十

清河郡公房公墳碣銘九卷

司徒兼侍中中書令贈太尉許國

韓公神道碑銘三卷

銀青光祿大夫贈工部尚書太原

郡公王公神道碑七卷

節度觀察刺史誌銘碣

河東節度觀察使滎陽鄭公神道

碑二卷

鳳翔隴州節度使李公墳誌銘三卷

魏博節度觀察使沂國田公先廟

碑銘二卷

江南西道觀察使贈左散騎常侍

太原王公神道碑十卷

又誌銘三卷

朝散大夫商州刺史除名董府君

墳誌二卷

秘書少監贈絳州刺史獨孤府君

墓誌銘九卷

朝散大夫越州刺史薛公墓誌銘

御史卿蓋卽官墓誌附一

殿中侍御史李君墓誌八卷

監察御史衛府君墓銘三卷

正議大夫尚書左丞孔公殘墓誌

三十三卷

國子司業竇公年墓誌三卷

中散大夫少府監胡良公墓神道

碑三十卷

殿中少監馬君墓誌三卷

考功員外盧君墓銘二卷

朝散大夫贈司勳員外郎孔君墓

誌九卷

朝散大夫尚書庫部郎中鄭君墓

誌三卷

大學博士李君千墓誌三卷

崔許事墓誌四卷

大理評事王君煥誌八卷

集賢院校理石君煥誌五卷

國子助教河東薛君煥誌四卷

州縣官誌銘

中散大夫陝府左司馬李公煥誌
三十四卷

中散大夫河南尹杜君墓誌二卷

柳子厚墓誌三卷

河南少尹裴君墓誌四卷

河南少尹李公墓誌五卷

興元少尹房君墓誌五卷

幽州節度判官贈給事中清河張

君徽墓誌四卷

太原府參軍苗君墓誌五卷

貝州司法參軍李君墓誌四卷

魏州司戶韓府君煥誌五卷

貞曜先生墓誌九卷

河南令張君墓誌三卷

袁陽盧丞墓誌 五卷

虞士誌銘

虞士盧君墓誌 三卷

幼穉誌銘

盧渾墓誌 三卷

韓滂墓誌 三卷

蒼崖先生金石例卷之六終

蒼崖先生金石例卷之七

鄱陽楊本編緝校正

韓文公銘誌括例

宗族姻黨稱呼例

書上代例

其十一世祖

殿中侍御史李君誌

其上祖

朝散大夫越州刺史薛公誌



七世祖

柳子厚誌

六代祖

國子司業竇公誌

六世祖

江西觀察韋公誌

四世祖

朝散大夫越州刺史薛公誌

書曾祖例

曾大父

崔許事誌裴少尹誌劉統軍等誌

曾祖

少尹房公誌尚書左丞孔公誌

大王父

清河郡房公誌

書曾伯叔祖例

曾伯祖

柳子厚誌

書祖例

大父

崔評事誌裴少尹誌劉統軍誌

祖

房少尹誌孔左丞誌

王父

清河郡公誌

書父例

父

崔評事誌裴少尹誌劉統軍誌

皇考

正議大夫孔左丞誌

烈考

清邊郡王楊燕奇碑

書母例

父娶河南獨孤氏女

生二子君其季也 朝散大夫

庫部鄭君誌

公之父娶鄉邑劉氏女

生公是為齊國太夫人司徒韓
侍中碑

父娶裴氏女

貞曜先生誌

父娶陳留太守薛江童女

殿中侍御史李君誌

母曰太原縣君

虞部負外張府君誌

母夫人殿煌張氏

河南少尹李公誌

公先妣渤海李氏

贈渤海郡太君 觀察太原王

公誌

書伯叔例

世父

伯父也四門博士周况妻韓氏

誌註儀禮喪服篇有族曾祖父者曾祖之兄弟也其子為族祖父其孫為族父其曾孫為族兄弟有送祖祖父者祖父之兄弟也其子為送祖父其孫為送祖兄弟有世父叔父者父之兄弟也其子為送父兄弟今韓公於開封反魏州皆為送父弟矣於開封之女則公當為送祖父也

祖父

告於叔父 襄陽郡王路公碑
書伯叔母例

世母

伯母也

書兄弟姊妹例

母兄

君母兄戮某官 孔負外誌
公之母兄太常博士 河南少

尹杜君誌 母兄戡其官

除名人董府君誌

歸宗之姊

育幼弟與歸宗之姊處士盧君

誌

族弟

因其族弟以來請銘襄陽郡王

路公碑

書姊妹夫例

姊婿

銀青光祿王公誌

妹婿

愈于處士妹婿也 盧處士誌

書妻例

妻彭城人

河中府法曹張公誌

公之配

彭城劉氏夫人尹李公誌

夫人

秘書少監独孤府君誌

公娶清河崔氏女

故相權公誌

公娶其舅女

觀察太原王公誌

書子男例

能子

是貞能子矣襄陽盧丞誌

為後子

仁本為後子独存觀察節公誌

書女婿例

長女婿

次女婿

觀察太原王公誌

季女婿

其季女婿韓愈為之誌盧府君

夫苗氏誌

書舊姑例

姑氏

母抱之置之姑以去中大夫陝
府司馬李公誌

尊章

協于尊章扶風郡夫人誌

書外家例

外高王父

外王父

自外高王父至外王父銀青光
祿大夫王公誌

舅氏

少依舅氏讀書習騎射 司徒
韓侍中誌

夫人之兄

生公是為齊國大夫人夫人之
兄曰司徒同上

舅弟

金石錄卷之十一
一
葬子厚於萬年之墓者舅弟盧
遵

職名例

有出身又書例

大父含液舉進士第官卒河南法
曹

參軍苗君誌

父某舉進士天寶之亂隱居而終
崔司事誌

皇考諱郁以儒學進官至侍御史

河南令張君誌

父宰臣用進士卒官平陽冀氏令
贈潭州大都督

中散大夫少府監胡公神道碑
初干以進士為鄂州從事

太學博士李君干誌

道古進士司門郎刺利隨唐睦徵
為少宗正兼御史中丞以節度督

黔中朝京師改命觀察鄂岳鄆

馮安黃

曹成王碑

公一兄三弟常群庠肇 常進士水
部員外郎朗夔江撫四州刺史群
以處士徵自吏部郎中拜御史中
丞出帥黔容以卒庠三佐大府自
奉先令為登州刺史肇亦進士以
御史佐淄青府皆有材名

國子司業竇公誌

有子曰寅明經及第嗣其家業

江西觀察韋公誌

有子男七人初哲貞私奉復洵 初
進士及第哲文學俱善其餘幼也
觀察贈常侍太原王公誌

內職又書例

公曾祖諱玄靜尚書膳部郎中歷資
簡涇隰四州刺史

興元少尹房公誌

太父某為刑部侍郎出刺徐相州

崔評事誌

太父曠御史中丞京畿採訪使

河南少尹裴君誌

大父利貞有名玄宗世為御史中丞
舉拜無所避由是出為陳留守領
河南道採訪處置使

河南令張君誌

書除授例

某年拜越州刺史

注或作元和十二年正月二十
二日方氏云前已云元和年
此不當復出年號他銘亦無書
除授日月者刺史薛公誌

家世例

書三代例

曾大父知道仕至大理司直大父玄

同為刑部侍郎出除徐相州父倚
舉進士

崔評事誌

曾大父元簡大理正大父曠御史中
丞京畿採訪使父虬以有氣略敢
諫諍為諫議大夫引正大疑有寵
代宗朝屢辭官不肯拜卒贈工部
尚書

河南少尹裴君誌

公曾祖諱玄靜尚書膳部郎中歷資
簡 隰四州刺史太尉之叔父也
祖諱肱為魏州司馬父諱密都水
使者皆名能守家法

房少尹誌

後七世至行襄官至易州刺史於君
為曾祖易州生婺州金華令諱懷
一卒葬洛陽北山金華生君之考
諱平為太子家令葬金華墓東而

尚書水部郎劉復為之銘

集賢院校理石君誌

其大王父融王父瑄仍父子為宰相
融相天石事遠不大傳瑄相玄宗
肅宗處艱難中與道進退薨贈太
尉流聲于茲父秉仕至秘書少監
贈太子詹事

清河郡公房公誌

曾大父諱承慶朔州刺史大父臣教

好讀書老子莊周書為太原晉陽
今再世宦北方樂其土俗遂著籍
太原之陽曲曰自我為此邑人可
也何必彭城父訟贈右散騎常侍
劉統軍誌

不書三代例

登封縣尉盧穀誌

並不書三代

太學博士李君干誌

並不書三代

歷書世系例

公諱邠字其雍王繪之後王孫道明
唐初以屬封淮陽王又追王其祖
父曰雍王長平王淮陽生景融景
融益疎不王生務該務該生思一
一生爰比四世官不過縣令州佐
然益讀書為行為士大夫家爰為
蜀州晉原尉生公未辟以卒

陝州左司馬李公誌

書三代及其兄例

曾祖曰希莊撫州刺史贈大理卿祖
曰元暉果州流溪縣丞贈散騎常
侍父曰播尚書禮部侍郎侍郎命
君後兄據據為尚書水部郎中贈
給事中

國子助教河東薛君誌

書三代不名而及其女兄與甥

以外戚故書

莊憲皇太后之弟今天子之舅太師之子太尉之孫司徒之曾孫

銀青光祿大夫太原王公神道

碑

不書曾祖而書六代祖及祖及父

例

六代祖敬遠嘗封西河公大父同昌司馬比西代仍襲爵名同昌諱胤

生皇考諱叔向官至左拾遺溧水令贈工尚書於大曆初名能為詩文

國子司業竇公誌

不書曾祖而書祖書父例

祖曰旭棗州宜春尉父曰媯棗州定遠丞

施先生誌

祖子興濮州濮陽令父同舒州望江

令

考功負外盧君誌

大父知古祁州司倉烈考文誨天寶
中實為平盧衙前兵馬使至特進
檢校太子賓客封弘農郡開國伯
世掌諸蕃互市恩信著明夷人慕
之

清邊郡王楊燕奇碑

祖某某官贈其官父某某官贈其官

朝散大夫贈司勳負外郎孔君
誌

大父利貞有名玄宗世為御史中丞
舉羣無所避由是出為陳留守領
河南道採訪處置使數歲卒官皇
考諱仰以儒學進官至侍御史
河南令張君誌

大父諱秀武后時以文材徵為麟臺
正字父宰臣用進士卒官平陽冀

氏令贈潭州大都督

中散大夫少府監胡良 神道

碑

不書曾祖祖而書六世祖及父例

六世祖孝寬仕周有功以公開號於

鄖鄖公之子孫世為天官唯公之

父政卒雖縣丞贈魏州刺史

江西觀察使韋公誌

不書曾祖祖而書七世祖及曾伯

祖及父例

七世祖慶為拓跋魏侍中封濟陰公

曾伯祖爽為唐宰相與籍褚遂良

韓琬俱得罪武后死高宗朝皇考

諱鎮以事母棄太常博士求為縣

令江南其後以不能媚權貴失御

史權貴人死乃復拜侍御史號為

剛直所與游皆當世名人

柳子厚誌

不書曾祖祖而止書其父例

公諱道古字某曹成王子其先王明以太宗子王曹絕輒復封而五世而至成王成王諱皋有功建中貞元間以多才能行賞誅為名至今追數當時內外文武大臣成王又在其間

彤武校尉守左金吾衛將軍李

公誌

常州刺史贈禮部侍郎憲公諱及之第二子憲公躬孝踐行篤實而辨於文勸飭指誨以進後生名聲垂延紹德惟克

秘書少監贈絳州刺史独孤府君誌

處士諱於陵其先范陽人父貽為河南法曹參軍

處士盧君誌

不特書父而書大王父王父伯例
大王父玄暕歷御史屬三院止尚書郎
生母肅守三郡終傳涼王生改襄鄧
等州防禦使鄂州採訪使贈吏部尚
書公尚書之弟某子

江南西道觀察使太原王公神
道碑

書上世并書其母例

其上祖懿為晉安西將軍實始居河東

公之四世祖嗣汾陰公諱德儒為隨
襄城郡書佐以卒襄城有子二人皆
貴其後皆蕃以大而其季尤盛官至
邠州刺史邠州諱寶胤有子九人皆
有名位其最季諱縑為河南令以卒
河南有子四人其長諱同卒官湖州
長史贈刑部尚書尚書娶吳郡陸景
融女有子五人皆有名蹟其達者四
人公於倫次為中子

朝散大夫越州刺史薛公誌

書二母例

初司徒公娶河南元氏封潁州郡夫人贈許國夫人許國夢少府始孫顧託以其姪為繼室是為陳國夫人陳國無子愛君與少府如已生其薨也君與少府喪之猶實生已親負土封其墓

贈絳州刺史馬府君行狀

書三代并書其母例

曾祖匡時晉州霍邑令祖子尋彭州九隴丞父迪鄂州唐年令娶河南獨孤氏女生二子君其季也

朝散大夫尚書庫部郎中鄭君誌

其上世有嵩者當字文時為車騎大將軍郿城太守卒葬河北謚曰忠公至孝權間五世矣孝權大父諱

孝先太子道事舍人父諱庭光贈
綏州刺史綏州之卒孝權蓋尚小
母曰太原縣君卒既葬孝權守墓
樹松柏三年而後歸

虞部負外郎張府君誌

書三代并書其母其舅例

曾祖孫恭簡州刺史祖乾秀伊闕令
父燮宣州長史贈絳州刺史母夫
人煥煌張氏其舅參有大名

河南少尹李公誌

書父并其母舅不及上二代例

公之父曰海為人魁偉沈塞以武勇
游仕許汴之間寡言自可不與人
交衆推以爲鉅人長者官至游擊
將軍贈太師娶鄉劉氏女生公是
爲齊國太夫人夫人之兄曰司徒
方佐有功建中貞元之間爲宣武
軍帥有汴宋毫穎四州之地兵士

十萬人

許國公韓弘神道碑

書十一世祖及父及母例

不及曾祖祖至書矣方見

其十一世祖冲貫顯拓拔世父憚河

南溫縣尉娶陳留太守薛江童女

殿中侍御史李君誌

書父及母及兄弟而不及上世例

父庭玠娶裴氏女而選為崑山尉生

生先生及二季豐邛而卒

貞曜先生誌

書婦女家世例

書三代例

夫人曾祖某綏州刺史祖某潞州別

駕父某晉州錄事參軍

息國夫人誌

曾大父襲夔贈禮部尚書大父殆庶

贈太子太師父如蘭仕至太子司

議郎汝州司馬

河南府法曹盧府君夫人苗氏誌

書祖書父及其舅其夫例

夫人姓盧氏范陽人亳州城父丞序之孫吉州刺史徽之女嫁扶風馬氏為司徒侍中莊武公之家婦少府監西平郡王贈工部尚書之夫人

扶風郡夫人誌

書父及其夫其子例

楚國夫人姓翟氏故檢校御史大夫宋州刺史良佐之女今司徒兼中書令許國公之妻前鄜坊節度使散騎常侍兼御史大夫公武之母楚國夫人誌

書兄弟例

書兄及弟例

公之昆季五人載戩戩截公於次為
第二

書妻例

正議大夫尚書左丞孔公戩誌

書妻及曾祖祖不書妻之父例

公之配曰彭城劉氏夫人夫人先卒
其葬以夫人祔夫人曾祖曰子玄
祖曰鍊皆有大名

河南少尹李公誌

書妻及妻之祖父不書妻曾祖例

妻彭城人世有衣冠祖好順泗州刺
史父詠卒蘄州別駕

河中府法曹張君誌

夫人天水權氏贈太子太保貞孝公
舉之承孫故相今太常德輿之女
胤慶配良是似是宜

秘書少監贈絳州刺史孤孤府

君誌

書妻及妻之父不及其曾祖祖例
夫人博陵崔氏少府監題之女

河南少尹裴君誌

夫人常山郡君張氏彭州刺史贈禮
部侍郎詭之女生子男三人

中散大夫河南尹杜君誌

妻范陽盧氏鄭滑節度使兼御史大
夫群之女與君合德親戚無退一
言

殿中侍御史李君誌

書妻及妻之父及曾祖父例

夫人博陵崔氏朝邑令友之之女其
曾伯父玄暉有功中宗時夫人高
明過子婦有節法進見侍側肅如
也

中大夫陝府左司馬李公誌

書妻及妻叔祖不書其祖父例

娶監城劉氏女故相國晏之兄孫生

男二人

集賢院校理石君誌

不書妻祖父例

妻鄭氏也

崔評事誌

夫人河南胡氏號太原郡夫人

工部尚書太原郡公神道碑

君娶河東柳氏女

河南令張君誌

公娶其舅女有子七人

觀察使贈常侍太原王公誌

娶滎陽鄭氏女生男六人

吳元少尹房公誌

妻曰太原王氏先生卒

抱先生誌

夫人李姓隴西人君在配君子無違

德君沒訓子女得母道甚後君二

十年年六十六而終

考功負外盧君誌

因奕書妻例

其妻清河張氏以其年十二月丙寅
葬君于洛陽平陰之原

太原府參軍苗君誌

因附奕書妻例

夫人滎陽節氏祔

銀青光祿大夫平陽路公碑

奉先夫人天水趙氏祔

中散大夫少府監胡公神道碑
楚國夫人翟氏祔

許國公韓弘神道碑

書再娶例

夫人即隴西郡夫人李氏清夷郡太
守祐之孫漁陽郡長史獻之女柔
嘉淑明先公而殂有男四人女三
人後夫人河南郡夫人雍氏某官
之孫某官之女有男一人女二人

咸有至性純行

清邊郡王楊燕奇碑

書三娶例

公三娶元配韋氏諱脩脩生子紘紘
為進士學女貞嫁崔氏夫隋雍州
牧郎公叔裕五世孫文士佺蓬山
令次配崔氏諱葑生綽紹綰女會
嫁鄭氏季昆夫人父昭嘗為京兆
尹今夫人韋氏無子父光憲光祿

卿其葬用古今禮以元配韋氏夫
人祔而葬次配崔氏夫人於其域
異墓

昭武校尉守左金吾衛將軍李
公誌

書婦德例

胤慶配良是似是宜

秘書少監贈絳州刺史独孤府
君誌

賢有法度

鳳翔隴州節度使李公誌

孝順祇脩群女效其所為

幽州節度判官贈給事中清河

張君誌

與君合德親戚無退一言

殿中侍御史李君誌

有賢行侍君疾逾年不下堂食菜飲

水藥物又自擇將進輒先嘗方書

本草恒置左右

贈絳州刺史馬府君行狀

書子女不名例

有男八人女二人

殿中少監馬君誌

有子二人女二人

崔評事誌

有子六人女子一人

銀青光祿大夫太原郡王公神

道碑

凡產四男五女男生輒即死

國子助教河東薛君誌

生男輒死卒無子女一人學浮屠法

不嫁為此丘尼云

登封縣尉盧叡誌

子書名女不書名例

男三人長曰初協律次曰彪其幼曰

還適三歲女子九人

殿中侍御史李君誌

男三人暢申易女三人皆嫁為士人

妻

考功員外盧君誌

生男二八八歲曰壬四歲曰申女子

二人

集賢院校

子女並書名例

有男十歲曰美女九歲曰孟

處士盧君誌

書子女及婚例

生男六人其長曰次卿次卿有大才不能俯仰順時年四十辭尚守京兆興平尉然其友皆曰房氏有子也次曰公次膺次回次衡次元始學而未仕女三人皆嫁為士人妻
典元少尹房君誌
不書婚姓名例

生三子一男二女男三歲夫死長女嫁亳州永州城尉妣使其季始十歲

大理評事王君誌

生六子四男二女長曰全正惠而早死次曰居中好學善為詩張籍稱之次曰從直曰居敬尚小長女嫁吳郡陸暢

除名人董府君誌

有四子長曰溫質四門博士遵孫遵
憲溫裕皆明經女子長嫁中書舍
人平陽路隋其季者幼

正議大夫尚書左丞孔公誌

書子女婿及外孫例

七男三女卯為澄城主簿其嫡激廊
成令放芮城尉漢監察御史漣沈
潘皆進士及公之存內外孫十有
五人

中大夫政府右司馬李公誌

書異母子女例

始娶范陽盧氏女生仁本仁約仁載
皆有大行王季舉進士皆早死仁
本為後子獨存後娶趙季氏生三
女二夫人凡三男五女

河東節度節公神道碑

初娶吏部侍郎京兆韋瑩女生二女
一男長女嫁京兆韋詞次嫁蘭陵

蕭儂後娶河南少尹趙郡李則女
生一女二男其餘男二人女四人
皆幼嗣子退思韋氏生也

南散大夫庫部郎中鄭君誌

公有四子長曰元孫三原尉次曰元
質彭之濛陽尉曰元立興平尉曰
元本河南參軍皆愿敏好善元立
元本皆崔氏出

鳳翔隴州節度使李公誌

書子而無女例

子曰友直明 鄭源主簿曰友諒太
廟壽郎

抱先生誌

其子越能辨父事無失謹謹致孝

清河郡公房公墓碣

長子殿中丞健祖孝友以類

扶風郡夫人誌

既突其子監察御史璩蒙然服喪來

有請

故相權公誌

書子女年歲例

男三人景質皆既冠其季始六歲曰
充而

河南少尹裴君誌

男子二人長曰某早死次曰天官始
十歲有至性聞呼父官與聞吊客
至輒號泣以絕女子一人

秘書少監贈絳州刺史獨孤府
君誌

書女出家例

女一人學浮屠法不嫁為比丘尼云
登封縣尉盧敘誌

女子三人其長學浮屠法為比丘尼
其季二人未嫁

河南府王屋縣尉單君誌

書子女生於死後例

男三人執規執矩必復其季生君卒
之三月

太原府叅軍苗君誌

子厚有子男二人長曰周六始四歲
季曰周七子厚卒乃生女子二人
皆幼

柳子原誌

書過房子例

父曰播尚書禮部侍郎命君後兄據

自給事至君後再絕皆有名遺言
曰以公後之子已已後我

國子助教河東薛君誌

子男二人長曰肅元其官次曰公武
其官肅元早死公之將薨公武暴
病先卒公哀傷之月餘遂薨無子
以公武子孫紹宗為主從

許國韓公私神道碑

書子文學材質例

戲發以南成敏以和

息國夫人誌

好善學文能謹謹致孝述父之志曲而不黷

國子司業竇公誌

雖皆幼侍疾居喪如成人

贈絳州刺史馬君行狀


書無子例

唐元和九年歲在甲午八月己亥貞


曜先生孟氏卒無子

貞曜先生誌

蒼崖先生金石例卷之七終



國家圖書館, NATIONAL CENTRAL LIBRARY, TAIWAN, R.O.C.



金
石
文
庫
第
一
冊

蒼崖先生金石例卷之八

鄱陽楊本編輯校正

書死于官著年月日例

貞元十八年十月十一日太學博士
施先生士丐卒其僚太原郭
伉買石誌其墓昌黎韓愈為之
辭 施先生誌

疾病改河南少尹與至官若干日
卒實元和三年四月二十三日



享年五十河南少尹裴君誌

元和七年二月一日河南少尹李
公卒年五十八

河南少尹李公誌

年六十一以元和六年二月二日
卒於官

河南府王尉縣尉畢君誌

書死于官不書年月日例
年若干而終在官舉其職

考功員外郎盧君誌

年七十二以其官終

興元少尹房公誌

以疾卒官年五十九

清河郡公房公誌

公在相位三年其後以吏部尚書
授節鎮山南年六十以薨贈尚
書左僕射謚文公

故相權公誌

書死于家著年月日例

使者未復命以十五年正月五日
寢疾終于家年五十有六矣

崔評事誌

十四年年六十一五月某日終于
家

明年長慶四年正月己未公年七
十四告薨於家贈兵部尚書

正議大夫尚書左丞孔公

誌

書死于中道外州著年月日例

元和四年秋有事適東方既還八月

壬辰死于汴城西雙丘年四十有

七 河中府法曹裴君墓碣

元和五年正月將洽臨汝之陽泉王
子至其縣食遂卒年五十七

朝散大夫孔君誌

行及揚州遇疾居月餘以長慶元年

八月二十四日卒春秋六十

朝散大夫尚書庫部郎中鄭君
誌

書死于中道外州不書年月日

例

年二十九客死于京師 李元賓誌

張君諱季友字孝權年五十四病卒

東都 虞部首外郎張府君誌

至南海未幾竟死年五十三

監察御史衛府君誌

書病死例

元和四年年卅七二月十四日疾暴

卒 固子助教河東薛君誌

年四十有二元和二年六月卒已暴

病卒 太原參軍苗君誌

疽發背六月乙酉卒年五十二

殿中侍御史李君誌

年七十四長慶二年二月丙寅以疾

卒 國子司業竇公誌

命且下遂病以卒年若干

南陽樊紹述誌

枚理集賢御書明年六月甲午疾卒
年四十二 集賢院衣理石君誌
在鎮三年以疾乞歸復拜司徒中書
令疾不能朝以長慶二年十二月
三日薨於永崇里第年五十八天
子為之罷朝三日贈太尉

許國公韓孔神道碑

書不病而死例

元和四年十一月二十二日無疾暴
薨年六十

中散大夫河南府君杜君誌

書死而不書死之地例

春秋五十八薨於元和五年八月六
日 江西觀察韋公誌

年三十七以卒 啟中少監馬君誌

子厚以元和十四年十一月八日卒
年四十七

書死而不書死之歲月例

年三十七以卒 殿中少監馬君誌

書生死年月日例

生元和四年年三十七二月十四日
疾暴卒 國子助教河東薛君誌

書病死例

年若干元和七年甲子日南至以疾

卒 息國夫人誌

書死不書病例

貞元十九年四月四日卒於東都敦
化里年六十有九

河南府法曹盧府君夫人苗
氏誌

書死為薨例

元和五年尚書薨夫人哭泣成疾後
二年亦薨年四十有六

扶風郡夫人誌

夫人以元和十四年十一月一日薨于郾之公府春秋若干大夫委節去位奉喪以居東都詔起之辭以羸毀不任即命又加喻勉

楚國夫人翟氏誌

書葬例

書勅葬例

在鎮三年以疾乞歸復拜司徒中書

令病不能朝以長慶二年二年十一月二日薨于永崇里第年五十八天子為之罷朝三日贈太尉賜布粟其葬物有司官給之京兆尹監護 許國公韓弘誌

詔所在給船舉傳歸其家賜錢物以葬長慶四年四月某日其妻子以君之喪葬于某州某所

幽州節度判官贈給事中張

金石錄卷八
君誌

書詔許還事例

長慶元年詔曰左降而死者還其官
以葬遂以其年某月日葬于東都
某縣 詔武校尉守左金吾衛將
軍李公誌

明年立皇太子有赦令許歸葬其子
居中始奉喪歸元和八年十一月
甲寅葬于河南河南縣萬安山下

太師煥左 除名人董府君誌

書自他州返葬例

於歿之二十日其妻與其子以君之
喪旋葬于汝州其二月某日遂葬
于某縣某鄉某原 崔許事誌

四月己酉其兄右拾遺即以喪東葬
河南壽安之甘泉鄉家塋憲公墓
側將以五月壬申窆

秘書少監贈絳州刺史狄孤

府君誌

明年兄子塗與其弟庚拔等護柩歸
葬長安縣馬頰原夫人北海唐氏
之封 虞部員外郎張府君誌
元和十年十二月某日歸葬河南某
縣某鄉某村 附先塋

監察御史衛府君誌

以十五年七月十日歸葬萬年先人
塋側 柳子厚誌

書葬他州例

初君樂驪之上田山水掾其州去官
猶家之既卒因以其年九月某日
葬州北十里崔長史塋西

魏州司戶韓府君誌

三日而歛既歛七日權葬宜春郭南
一里嗚呼其可惜也已 韓滂誌
書葬祖父域例

歛之三月某甲子葬河南伊闕嗚臯

山下自簡州而下皆葬鳴皋山下

河南少尹李公誌

其年十月戊申葬河南洛陽縣距其

祖澠池之府君僞墓十里

殿中侍御史李君誌

十月庚申樊子合贈賻而葬之洛陽

東其先人塚左以餘財附其家而

俱祀 貞曜先生誌

即以其年十一月二十二日送葬于

鄭州廣武原先人之塚次

朝散大夫尚書庫部郎中鄭

君羣誌

其年八月某日葬河偃師先公尚書

之北次 國子司業竇公誌

書夫祔妻塚例

某月一十六日穿其妻墓而合葬之

在其縣某地

太學博士李君干誌

其年閏三月廿一日第試太子通事
舍人公儀京兆府司錄公幹以君
之喪歸以五月十五日葬于京兆
府萬年縣少陵原合祔王夫人塋
同子助教薛君誌

書妻祔夫塋例

嗣子通王屬良禎以其年十月庚寅
葬公于開封縣曾陵岡隴西郡夫
人李氏祔焉

清邊郡王楊燕奇碑

九年正月癸酉祔于其夫之封

扶風郡夫人誌

明年八月十四日葬京兆秦先夫人
天水趙氏祔焉

中散大夫少府監胡良公碑

書合葬例

年若干而終在官舉其職夫人姓李
隴西人君在配君子無違德君歿

訓子女得毋道甚後君二十年年
六十六而終 君祖子興濮州濮
陽令父同舒州望江令夫人之祖
延宗鄆州司馬父進成鄆州洛交
令 考功直外靈君銘

貞元十七年九月丁卯隴西李鄴合
葬其皇祖考貝州司法參軍楚金
皇祖妣清河崔氏夫人于汴州開
封縣其里昌黎韓愈紀其世著其

德行以識其美其世曰由梁武昭
王六世至司空司空之後二世為
刺史清浦侯由侯至于貝州凡五
世其德行曰事其兄如事其父其
行不散有出也其夫人事其妣如
事其姑其於家不散有專焉 其
葬曰朔既遷貝州君之喪于貝州
殯于開封遂遷夫人之喪于楚州
八月辛亥至于開封塋于丁巳墳

于九月辛酉定于丁卯

貝州司法叅李君誌

書各葬例

其年八月甲申送葬河南河陰之廣武原卜人口今茲歲未可以祔送卜人言不祔

朝散大夫贈司勳負外郎孔君誌

書因其人歸葬例

既歛之三日友人博陵崔弘禮葬之于國東門之外七里鄉曰慶義原曰嵩原友人韓君書石以誌之

李元賓誌

書本月內葬例

卒三日葬河南縣北十五里愈率婦孫視定封乳母誌

以其月二十五日送葬偃師之土婁河南府王屋縣府畢君誌

書今年內葬例

塋在河南維氏縣梁國之原其年月
日元和二年二月十日云

考功負外廬君銘

其年七月某日祔于法曹府君塋在
洛陽龍門山

河南府法曹參軍廬府君夫
人苗氏誌

其妻清河張氏以其年十二月丙寅

葬君于洛陽平陰之原

太原府參軍苗君誌

書明年葬例

明年葬京兆萬年山陵原

銀青光祿大夫襄陽郡王平

陽路公誌

明年二月葬河南偃師

河中府法曹張君誌

明年二月甲午送葬棧州

中散大夫河南尹杜君誌

明年七月壬寅送葬萬年縣少陵原
江西觀察韋公誌

特書某年葬例

長慶二年三月某日葬夫人于洛陽
北山 楚國夫人翟氏誌

以四年二月某日葬于河南某縣先
塋之側

江西觀察常侍太原王公誌

不書年月日例

即葬于其地 烏氏先廟碑

不書葬地例

樊紹述既卒且葬 南陽樊紹述誌
書某月幾日不書甲子例

其二月某日送葬于某縣某鄉某原
崔評事誌

以五月十五日葬于京兆府萬年縣
少陵原 國子助教薛君誌

遂以其月十四日合葬河南緱氏之

高龍原 具元少尹房公誌

書其月甲子即不書幾日例

以其年十月庚寅葬公于開封縣魯

陵岡 清邊郡王楊燕奇碑

卜葬得公卒之四月壬寅遂以其日

葬東都芒山之陰杜翟村

河南少尹裴君誌

於其年九月乙酉其渾以家有無葬

以車一乘於龍門山先人兆

處士盧君誌

其年十月戊申葬河南洛陽縣

殿中侍御史李君誌

蒼崖先生金石例卷之八終

蒼崖先生金石例卷之九

○論古人文字有純疵

前輩作文各有入門處退之奔孟子永叔亦祖孟子故其講論純正少疵子厚明允集中皆自言其所得處明允多自戰國策中來視子厚為不純子瞻亦宗其家學氣韻赫奕人多慕之然少純正要之自六經中出則源深而流長人但見正大溫粹不知其所養

者有本也此最當謹所習之始者不
謹則末流可知

論作文法度

立本論前說備矣本者既立又學問充
就而後識見造詣凡見之議論言語
者皆正大純粹如冠冕珮玉入宗廟
之中人自起敬學力既到體製亦不
可不知如記銘贊頌序跋各有其體
不知其體則踰人無容雜有實行識

者幾何人裁體製既熟一篇之中起
頭結尾繳換曲折折轉反覆難應閉
鎖網目血脉其妙不可以言盡要須
助自得於古人

韓文公上李侍郎書云天之為河海高
之為山嶽明之為日月幽之為鬼神
織之為珠璣華實變之為雷霆風雨
答尉遲生書云本深而末茂形大而
聲宏行峻而言厲心醇而氣和昭晰

者無疑優游者有餘上于頓相公書
云變化若雷霆浩汗若河海正聲諧
韶護勁氣咀金石凡皆形容文章之
妙公實道胃中之自得者

黃氏曰批韓文公與馮宿論文謂稱意
者人以為恆下筆令人漸則人以為
好古文真何用於今以俟知者知耳
公殆矯其說以振起一世之庸者
乎然歷數百年至本朝歐陽公方能

得公之方於殘弃而發撝之否者終
於湮沒自歐陽公以來雖曰家藏而
人誦殆不過野人議壁隨和稱好及
自執筆為文鮮有不與之背真知公
之文者又幾何人哉愚嘗嘆息而為
之自警曰人誰不講孔孟之學至遇
事則往不其訓人誰不讀韓歐之文
至執筆則往不而非其體人莫不飲
食鮮能知其味不心誠求之是真無

益哉

答劉正夫書論為文譬之百物朝夕所見者人皆不注視及覩其異者則眾觀之又謂用功淺者其收名也遠答陳商書喻以齊王好竽而鼓以瑟所謂工於瑟而不工於求齊合是兩書而觀之庸之者不足以自見恠之者非所以諧俗公所告語雖各隨其病而藥之功淺一語則均所當務而根

本之論乎

答李珣書生之書辭甚高而其問何下而恭也能如是誰不欲告生以其道道總之歸也有日矣况其外之文乎抑愈所謂望孔子之門牆而不入于其宮者也是以知是且非也抑雖然不可不為生言之生所謂五言者是也生所謂者與所期者甚似而幾矣抑不知生之志蘄勝於人而取於人

耶將蕪至於古之立言者邪蕪勝於人而取於人則固勝於人而可取於人矣將蕪至於古之立言者則無望其速成無誘於勢利養其根而俟其實加其膏而希其光根之茂者其實遂膏之沃者其光暉仁義之人其言諒如也抑又有難者愈之所為不自知其至猶未也雖然學之二十餘年矣始者非三代兩漢之書不敢觀非

聖人之志不敢存處若亡行若遺儼乎其若思茫乎其若迷當其取於心而注於手也惟陳言之務去夏手乎其難裁其觀於人不知其非笑之為非笑也如是者亦有年猶不改然後識古書之正偽與雖正而不至焉者昭然白黑分矣而務去之乃徐有得也當其取於心而注於手也汨然來矣其觀於人也笑之則以為喜

譽之則以為憂以其猶有人之說者
存也如是者必有年然後浩乎其沛
然矣吾又懼其離也迎而距之平心
而察之其皆醇也然後肆焉雖然不
可不養也行之乎仁義之途游之乎
詩書之源無違其途無絕其源終吾
身而已矣氣水也言浮物也水大而
物之浮者大小畢浮氣之與言猶是
也氣盛則言之短長與聲之高下者

皆宜雜如其敢自謂幾於成乎雜
幾於成其用於人也奚取焉雖然待
用於人者其肖於器邪用與舍屬諸
人君子則不然處心有道行已有方
用則施諸人舍則傳諸其徒垂諸文
而為後世法如是者其亦足樂乎其
無足樂也有志乎古者希矣志乎古
又遺乎今吾誠樂而悲之亟稱其人
所以勸之非敢褒其可褒而貶其可

貶也問於愈者多矣念生之言不志
乎利聊相為言之 韓退之

柳下州答韋中立書始吾幼且少為文
章以辭為工及長乃知文者以明道
是固不苟為炳々煨々務采色夸聲
音而以為能也凡吾所陳皆自謂近
道而不知道之果近乎遠乎吾子好
道而可吾文或者其於道不遠矣故
吾每為文章未嘗敢以輕心掉之懼

其剽而不留也未嘗敢以怠心易之
惧其死而不嚴也未嘗敢以昏氣出
之惧其昧没而雜也未嘗敢以矜氣
作之惧其偃蹇而驕也抑之欲其奧
揚之欲其明踈之欲其通廉之欲其
節激而發之欲其清固而存之欲其
重此吾所以羽翼夫道也本之書以
求其質本之詩以求其恒本之禮以
求其宜本之春秋以求其斷本之易

以求其動此吾所以取道之原也參
之穀梁氏以厲其氣參之孟荀以暢
其支參之莊老以肆其端參之國語
以傳其趣參之離騷以致其幽參之
太史以著其潔此吾所以旁推交通
而以為之文也凡若此者果是耶非
耶有取乎抑其無取乎吾子幸觀焉
擇焉有餘以告焉苟亟來以廣是道
子不有得焉則我得矣

朱文公曰韓柳荅李翊韋中立
書可見其用力處

與友人論文書古今號文章為難足下
知其所以難乎非謂比與之不足恢
拓之不遠鑽礪之不工頗 之不除
也得之為難知之愈難耳苟或得其
高朗探其深頤雖有蕪敗則為日月
之強也大圭之瑕也昌足傷其明黜
其實我且自孔氏以來茲道大闡家

脩人勵利精竭慮者幾千年矣其間
耗費簡札役用心神者其可數乎登
文章之錄波及後代越不過數十人
耳其餘誰不欲爭裂綺繡互攀日月
高視於萬物之中雄峙百代之下乎
率皆縱吏而不克踟躕而不進力蹙
勢窮吞志而沒故曰得之為難嗟呼
道之顯晦幸不幸繫馬談之辨訥并
降繫馬鑿之頗正好惡繫馬交之廣

狹屈伸繫焉則彼卓然自得以奮其
間者合乎否乎是未可知也而又榮
古虛今者比肩疊跡大抵生則不遇
死而垂聲者衆焉揚雄沒而法言大
興焉遷生而史記未振彼之二才且
猶若是况乎未甚闡著者哉固有文
不傳於後祀聲遂絕於天下者矣故
曰知之愈難而為文之士亦多漁獵
前作戕賊文史快其意抽其華置齒

牙間過事蠱起金聲玉擢誑聲瞽之
人微一時之聲雖終淪棄而其奪未
亂雅為害已甚是其所以難也

柳子厚

蘇明允上歐陽公書孟子之文語而意
盡不為漸刻斬絕之言而其絳不可
犯韓子之文如長江大河渾浩流轉
蜿翬蛟龍萬怪黃惑而抑遏掩蔽不
使自露而人望見其沛然之光蒼然

之色亦自畏避不敢迫視

蘇子由曰太史公行天下周覽名山大
川典燕趙豪俊交遊故其文疎宕頗
有奇氣

韓愈以六經之文為諸儒侶障未流及
利以樸剗偽以真粹然一出於正刊
落陳言橫鶩別驅汪洋大肆無抵牾
聖人者其原道原性師說數十篇皆
奧行宏深與孟軻楊雄相表裏而佐

佑六經云 夔贊

○子厚之文雄深雅健似司馬子長
崔蔡不足多也 夔傳

蘇子瞻曰歐陽公云晉無文章惟陶淵
明歸去來辭余亦謂唐無文章惟韓
愈送李愿歸盤谷序

歐陽公文集序云歐陽子之學推韓愈
孟子以達於孔氏著禮樂仁義之實
以合於大道其言簡而明信而通有

物連類折之於至理於服人心故天
下翕然師尊之自歐陽子出天下爭
自濯磨以通經學古為高以救時行
道為賢以犯顏納諫為忠至嘉祐末
號稱多士歐陽子之功為多 蘇子瞻
邵氏後錄云東坡中制科王荆公曰全
類戰國文章故荆公脩英宗實錄謂
明允有戰國縱橫之學

東坡之文如長江大河一瀉千里至其

渾浩流轉曲折變化之妙則無復可
以名狀蓋能文之士莫知能尚也而
尤長於指陳世事述叙民生疾苦方
其年少氣銳尚欲汎掃宥弊更張百
度有賈太傅流涕漢庭之風反既懲
劄王氏一意忠厚思與天下休息其
言切中民隱發越懇到使巖廊崇高
之地如親見閭閻哀痛之情有不能
不惻然感動者真可垂訓萬世矣嗚

呼休哉 黃氏曰秋

蘇子瞻曰凡人作文須是筆頭上挽得
數百鈞起

凡作文如行雨流水初無定質但常
行於所當行常止於不可不正文理
自然情態橫生

李漢老曰為文之法有筆力有筆路筆
力到二十歲便定後來長進只就上
面添得些子筆路則常拈弄時轉開

拓不拈弄便荒廢

杜牧之曰文以意為氣為輔以辭來為
兵衛

李文饒曰譬諸日月雖終古常見而光
景常新

朱文公曰古人作文多摹倣前人學之
既久自然純熟
今人以韓文知其力去陳言之為工
而不知其文從字順之為貴

歐陽公曰為文有三多看多做多商量
多

鶴山曰辭根於氣，命於志，
立於李

西山先生問傅公景仁以作文之法傳
公曰長褒善舞多財善賈子歸取古
人書熟讀而精甄之則耐乎其春祭
薰乎其蘭馥有日矣

平齋洪公曰古今萃於胸中造化運於

筆下多讀多做而盡為勝

夏文莊曰美辭施於頌贊明文布於牋
奏詔誥語重而體宏衆詠言近而音
遠

陸士衡曰謝朝華於已披啟夕秀於未
振

銘博約而溫潤箴頹挫而清壯頌優
游以彬蔚

要辭達而理舉故無取乎冗長

事為一聯尤好如莫侍郎步軍
制法帝帝之兵九類為營之重
資漢人之技莫如用步之強最
妙

三曰戒辭於戲而下事也用事欲其
精切

須要古事或古語為聯切于本
題有丁寧告戒之意如傅景仁
少保侍讀用說命周官周子及

楊帥制用擊楫中流陳自明宗
宗規使制用秘書仙圖此等事
既親切而造語妥貼是為可法
野處洪公贄所業書曰昔丁文公簡
公八道之日手其所為制詰一篇贄
詣王公大人之門人見者皆非之丁
獨毅然不顧曰異日當有知我者其
後直掖垣登玉堂以致政地而昔所
為文始盡得施用有志者事之竟成

如此

倪正父曰文章以體制為先精功次
之失其體制雖浮聲切響抽黃對曰
極其精工不可謂之文矣凡文皆然
而王言尤不可以不知體制龍溪蓋
公號為得體制然其間猶有非君所
以告臣人或得以指其瑕者
朱文公曰范淳夫作冀王制云周尊
公旦地居四輔之先漢重王蒼位列

三公之上及我仁祖加禮荆王顧惟
冲人敢後叔父自然平正典重彼工
於四六者却不能及

季公父欲應詞科西山指竹夫人戲
曰試為進封制可乎公父未瞬云保
抱攜持朕不安丙夜之枕輾轉反側
爾尚形四方之風西山稱賞

王器之京東淮東宣撫制戒詞云
汭于江而達泗朕方恢禹之九州率彼

浦以省徐尔尚勉周之三事

迂齋樓公曰經句對經句如在武丁
時名公考惟汝一德于今三年天維
顯思民亦勞止有能奮庸爰立作相
經營四方飲御諸友之類固是天造
地設萬人留田對三事就緒雜以史
句對經句緣有氣勢所以不覺

北海督府訓辭尤為宏偉有曰盡長
江表秉之封悉歸經畧舉宿將王侯

之責咸聽指揮

李漢老曰張樂全鳥角純粹王禹玉
溫潤典裁元厚之精麗穩密蘇東坡
雄深秀偉皆制詞之傑然者

誥式

勅云云具官某 云可特授某官二

人以上同制則於詞前先列

人具銜姓名可特授某官於勅下

便云其官某 云可依前件

侍從以士用職詞餘官云勅具

官某云云尔云云

擬誥之始

誥告也其原起于湯誥周官大祝六
辭三曰誥士師五成二曰誥成王封
康叔唐叔命以康誥唐誥漢元狩六
年立三子為王初作誥唐曰居易集
翰林曰制誥中書曰制誥蓋內外命
書之別宋朝西掖初除試誥而命題

亦曰制

擬詔之式

東坡制詞有議論荆公南豐外制佳
王子登曰南豐本法意原職守
而為之訓教人人不同咸有新
趣衍裕雅重自成一家

胡致堂曰辭直簡嚴体歸典重
周益公曰韓退之崔群戶部侍郎制
初云地官之職邦教是先末云選賢

與能于今惟重擇才經賦自古尤難
凡命版曹何嘗不主理財惟退之先
及邦教而以經賦二字終之深合經
旨

唐錢珣曰体正而有倫辭約而
居要終始明白所以為誥

詔式

勅門下或云勅某等故茲詔示
要諭誠諭撫諭隨題改之

想宜知悉

擬詔之始

周官御史掌贊書注云若今尚書作詔文秦改之為詔漢下書有四三曰詔書 其文曰告某官

四曰誡勅 其文曰有詔勅某官

唐貞觀末張昌齡召見試息兵詔此試詔之始也其後學士試批答宋朝西掖初除試詔紹聖試格止曰誡諭

如近體試諭風俗或百官之類紹興改為

唐封敕作慰遣將詔曰傷居爾休痛在朕躬賜李德裕制曰謀皆予同言不他惑李德裕草詔賜王元

何弘敬曰勿為子孫之謀欲存輔車之勢皆切中事情宋朝錢若水草賜趙保忠詔曰不斬繼

近存狡兔之三穴潛疑光嗣持
首鼠之兩端汪彥章草書
詔曰懷晉館以幼車庶無後悔
開漢間而前規

擬詔之式

東萊先生曰詔書或用散文或用四
六者下語須渾全不可如表求新奇
之對而失大體但觀前人之詔自可
見

散文當以西漢詔為根本次則王岐
公荆公曾子開詔熟觀然後約以今
時格式不然則似今時文策題以兩
漢詔中語如吏獨安取此皆秉德以
陪朕之類當勾抹出做之

李漢老曰兩漢全溫厚雅馴或
人主自親其文

周益公曰答皇子詔用卿字非
是前輩知體則不然其他或汝

或王或公皆當有別

吳茲與唐叔義詔皆得體

西山先生曰王言之體當以書之詔
誓命為祖而參以兩漢詔冊

朱文公曰三代詞誥誓命皆根
源學問敷陳義理

兩漢詔令辭氣藹然渙厚爾雅可謂
代言之法

南豐曰漢詔令典正謹嚴尚為

近古唐常衣楊元積之屬號
能為訓詞其文未有遠過人者
朱文公曰國初文章皆嚴重老
成嘉祐以前文雖拙而辭謹重
所以風俗厚

表式

賀

臣某言或云臣某等言

恭親 守臣表云恭聞

某月日云云者

祥瑞表云伏覲太史局奏云云者
守臣表云伏覲都進奏院報云云者

云云臣某懼并懼并頓首頓首竊以
云云恭惟皇帝陛下云云臣云云臣
無任瞻天望聖激切屏營之至謹奉
表稱賀以聞臣某懼并懼并頓首頓
首謹言

年、月

日具官臣姓某上表

謝

臣某言伏蒙聖恩云云者
謝除授云云伏
奉告命授臣某官職者

云云臣某惶懼惶懼頓首頓首竊以

云云此後或云伏念臣云云

茲蓋恭過

皇帝陛下云云臣云云臣無任感天荷
聖謝切屏營之至謹奉表稱謝以聞

進謝恩詩云謹各齋沐撰成謝
恩詩隨表上進以聞

臣某惶懼惶懼頓首頓首謹言

進書 進貢 陳請

臣某言云云臣某惶懼惶懼頓首頓
首云云進國史

等云恭以某宗皇帝云云餘用
竊以云云

恭惟皇帝陛下云云臣云云無任瞻

天望聖激切屏營之至

陳情表云臣某等無任祈天俟
命云云

所有某書若干卷冊謹隨表上進以
聞

進詩云恭和御製之類 進貢
云某某物云云 陳請表云謹
奉表陳情以聞

臣某惶懼惶懼頓首頓首謹言

代宰臣以下陳請表如請御正
殿之類中謝後或云寫以云云
或云恭惟皇帝陛下云云末云
伏望皇帝陛下云云

擬表之始

表明也標也標著事序使之明白三
王以前謂之敷奏秦改為表漢群臣
書四品三曰表

不需頭上言臣某言下言誠惶

誠恐頓首頓首左方下附曰某

官臣甲乙上

陽嘉元年左雄言孝廉先詣公府文
吏課牋奏又胡廣以孝廉試章奏然
則章奏試士其始也唐顯慶四年
進士試闕內父老迎駕表開元二十
六年西京試擬孔融薦禰衡表則進
士試表

擬表之式

東萊先生曰表中謝後當說竊以各
隨題意如代樞密使謝賜玉帶表云
竊以裴度視師服章氏道天之賞衛
公戩難拜文皇于闐之珍

視師戩難俱見樞臣之意非泛
泛引用此

如謝賜御書周易尚書表云竊以法
始四營莫辨乎易文兼五典皆聚此
書是也或用事或不用事亦無定格

如進寶錄寶訓表中謝後當說恭以
某宗皇帝云云頌德不用竊以羅疇
老代高麗脩看表全篇皆穩其間一
聯云地瀕日出每慙傾藿之心天闊
露零亦被慕蕭之澤二事人用之極
熟此聯稍變言語遂為佳句大抵用
事當如此不然則汎濫雷同矣其斷
句云矢來肅謹用昭遠慕之誠弓掛
扶桑永荷詎敷之德亦好

天抵表文以簡潔精緻為先用事不要深僻造語不可失新鋪敘不要繁冗此表之大綱也

誠齋楊公曰有用古人全語而雅馴妥貼如已出者介甫賀冊妃表云閨睚之求淑女無險詖私謁之心雞鳴之思賢妃有警戒相成之道

四六有作流麗語者須典而不浮汪彥章賀神降萬歲山表云恍若壺天

金成宮闕浩如玉海虹貫山川有作華閨語而重大者最不多得曾子固云鈞陳大徵星緯咸若崑崙渤海波濤不驚

露布式

尚書兵部

晉曰尚書五兵 隋唐方曰兵

部 唐龍朔二年曰中臺司戎

天寶十二載曰尚書武部

至德二載復舊

臣某言臣聞云云恭惟皇帝陛下云云臣等云云臣無任度快激切屏營之至

唐露布云不勝慶快之至或云無任慶躍之至

謹遣或云謹差

某官奉露布以聞

擬露布之始

露布之名始于漢按光武紀注漢制度曰制詔三公皆璽封尚書令印重封露布州郡祭祀志注升東觀書有司奏孝順號露布奏可又鮑昱詣尚書封胡降檄曰故事道官文書不著姓又常司徒露布李雲露布上書注謂不封也魏改元景初詔曰司徒露布咸使聞知蜀漢建興五春代魏詔曰丞相其露布天下此皆非將帥獻

捷所用通典云後魏攻戰克捷欲天下聞知乃書帛建於漆竿上名爲露布自此始也

彭城王曰露布者布於四海露之耳目

王肅獲賊二三皆爲露布韞顯宗有高曳長纜虛張功捷之譏孝文稱傳脩期下馬作露布齊神武破芒山軍爲露布杜弼即書絹不起草唐制下

之通上其制有六三曰露布兵部侍郎以奏聞集群官東朝堂下中書令宣布

隋開皇中撰宣露布禮

張昌齡爲崑丘道記室平龜茲露布爲上所稱于公異爲詔討府掌書記朱泚平露布曰臣既肅清宮禁祇奉寢園鐘簾不移庙貌如故德宗咨歎焉

薛收為露布或馬上占辟封常
清於幕下潛作捷布

東晉未有露布隆興初以晉破符堅
命題似有可疑然文章緣起曰漢賈
洪為馬超伐曹操作而魏志注謂虞
松送司馬宣王征遼東及破賊作露
布隋志有魏文帝露布文九卷世說
云桓溫比征令袁宏倚馬前作露布
手不輟筆俄成七紙則魏晉已有之

當考

宋書云揚文德建露板馳告朝
廷文心雕龍曰露布者蓋露板
不封布諸視聽也

宋朝王元之撰李靖平突厥露布此
撰題之始歟

擬露布之式

東萊先生曰頭四句後再用兩句散
語須便用兩字如蠻夷則用前代伐

蠻夷之事盜賊則用前代代借亂之事

尚書兵部臣某等言主師名

臣聞說伐叛之意

恭惟尊號皇帝陛下

頌德更說四方向化此賊獨拒

命

某賊頌極罵之頌說當時罪

臣某等說受成攻伐

某賊說當時拒賊次第

臣等說攻討次第說擒賊得地

斯皆歸善之意末用一聯結

西山先生曰露布貴奮發雄壯少麤
無害不然則與賀勝捷表無異矣
崔公與作擒賊露布曰不以賊遺君
父已殄凶殘凡克敵示子孫毋忘勦
伐

張燕公平契丹露布山川積雨盡消

胡騎之塵草木長風咸有王師之氣
王元之擬李靖露布敵頌利求降且
復謀竄曰穿中餓虎暫為掉尾之求
韝上餓鷹終有背人之意

檄式

某年某月日某官某告某處

或曰移某郡

蓋聞云云末云檄到如章書不盡意

或云茲言不欺其聽無惑或云

茲言不爽其聽無違故為檄委
曲檄到其善詳所處如律令或
云檄到宣告咸使聞知

司馬長卿喻蜀檄

首云告已蜀太守末云檄到亟
下昭道使咸喻陛下意無忽

陳孔章為袁紹檄豫州

首云左將軍領豫州刺史國相
守

蓋聞云云司空曹操云云幕府云云
廣宣恩信班揚符賞布告天下云云
如律令 檄吳將校部曲文

首云年月朔日子尚書令或告
江東諸將校部曲及孫權宗親
中外

蓋聞云云故令往募爵賞科條如左
檄到詳思至言如詔律令
鍾士李檄蜀文

宋云名其宣布威使聞知
宋告司兗二州

末云幸加三思詳擇利害又尚
書符征南府末云文書千里驛
行

檄檄之始

檄軍書也祭公謀父所謂成責之令
文告之辭東萊先生曰晉侯使呂相
絕秦檄書始於此然春秋之世鄭子

家使執訊與書以告趙宣子晉之邊
史責鄭王使詹伯辭於晉王子朝使
告諸侯皆未有檄之名戰國時張儀
為檄告楚相具名始見

魯仲連為書約矢遺燕將秦尉
佗移檄蒯通說范陽令曰傳檄
而千里變韓信曰三秦可傳檄
而定

漢有羽檄

顏師古曰檄以木簡為書長尺
二寸有急加鳥羽示速也急就
篇注檄以木為之長二寸說文
急云二尺書李左車曰奉咫尺
之書

自相如之後檄書見史策者不可勝
紀楊雄曰軍旅之際飛書馳檄用枚
臯謂其文敏速也唐以前不用四六
周益公擬漢河西大將軍諭隗囂倪

正父擬晉奮威將軍豫州刺史論中原豪傑皆用四六然散文為符體如東萊漢使喻苻苻車諸國是也

釋文曰檄激也文心雕龍曰檄
檄也宣布於外檄然明白

擬檄之式

劉勰文心雕龍曰祭公謀父稱文告之辭即檄之本原戰國始稱為檄凡檄之大體或述此休明或敘彼苛虐指

天時審人事算強弱角權勢標著龜於前代垂鑒於已然譎說以馳首焯曄以騰說故植義颺辭務在剛健挿羽以示迅不可使辭緩露板以宣衆不可使義隱必事昭而理辯氣盛而辭斷此其要也

丹府元龜序曰暴揚過惡張皇
威武使忠義奮發而邪謀沮

諭去就之理陳逆順之狀俾之

改圖易轍轉禍為福誕告士民
使知不獲已而用兵非無名而
黷武

東萊先生曰檄書頭說某官告某將
士蓋聞說討叛招攜之意

說一改云云惟爾某處將士

說為賊拘脅而不能自歸反畧

說賊之罪

幕府說受命討賊甲兵之盛叙當時

形勢賊將欲滅頭自歸

主上

說有過人大度之意開其自新
之路

未以歸附則有厚賞怙終則有顯戮
自擇禍福結之

未云凡所賞科其如今甲周益
公曰擬諭隗囂檄云若吳芮效
忠世裂長沙之壤田橫亡命身

昭海魚之差顧逆順之物分惟
智愚之審擇

西山先生曰檄露布乃軍中文字檄
貴鋪陳利害感動人心 所業檄題
欲出唐大將軍河南招慰使傅州
檄出夏侯端傳乃高祖創業之初非
因兵興盜起稍覺氣象佳但所疑者
慰字耳 漢以前無檄六朝以來未
有露布編題之初須要如此漢檄不

須四六如司馬相如喻蜀檄之類漢
無四六之文故也

晉檄亦用散文如袁豹伐蜀檄
之類 隋唐以來方用四六如
祖君彦賂竇王檄鄭畋移檄藩

鎮

柳子厚伐黃賊牒云證剛之勇冠一
方竟就伏波之威呂嘉之威行五嶺
終摧下瀨之師嗟此陋敝自貽擒滅

李充曰擬不切爲剛敵心陵言不誇
壯則軍容弱

箴式

序云云箴辭用韻語末云散告云云
如楊雄百言九州箴之類箴銘
皆頌並逐句空字

擬箴之始

箴者諫誨之辭若箴之療疾故名箴
盤庚無伏卜人之攸箴庭燎因

以箴之名公曰師箴師曠曰工
誦箴諫

文心雕龍曰夏商一箴餘句頗存夏
箴見于周書文傳篇商箴見于呂氏
春秋名類篇又謹聽篇有周箴
周辛甲爲太史卬百官箴王闞虞
人掌微爲箴漢楊雄擬其體爲十二
州二十五官箴後之作者咸依倣焉
隋杜正藏舉秀才擬匠人箴題肇於

此唐進士亦及試箴

顯慶四年試貢士箴開元十四
年考功箴廣德二年轉門箴建
中三年學官箴

周虞人箴芒芒禹迹畫為九州經啓
九道民有寢庙歿有茂草各有攸儀
德用不擾在帝夷羿冒于原歿忘其
恤而思其應壯武不可重用不恢于
夏家歿人司原敢告僕夫

告僕夫不敢斥尊

擬箴之式

東萊先生曰凡作箴須用官箴王闕
之意各以其官所掌而為箴辭如司
隸校尉箴當說司隸箴人君振綱綱
非謂使司隸振紀綱也如廷尉箴當
說人君謹刑罰非謂廷尉謹刑罰也
箴尾須依虞箴歿人司原敢告僕夫
之類

止是隨題目改如上林清臺箴
則云史臣司天宗正箴則云宗
臣司族廷尉云官臣司刑司隸
校尉云官臣司直太常云礼臣
司典其下句散告隨韻改之大
抵如散告誓御散告僕夫之類
是也

西山先生曰箴銘贊頌雖均韻語然
體各不同箴乃規諷之文責乎有警

戒切劘之意詩庭燎沔水等篇左氏
虞人箴揚子雲百官箴古文苑

飛茂先女史箴白居易續虞人箴
柳公綽太醫箴王元之端拱箴文粹
中諸箴時時反覆熟誦便知體式
箴者下規上之辭須有古人風諫之
意惟官名可以命題所謂百箴工闕
各因其職以諷諫如出周保章箴則
當以敬天為說其他皆然又有非官

名而出箴者

若宣室上林清臺之類

亦當引送規諷上立說

東萊先生考工令箴監于太宗罷露
臺役一言興邦萬杵咸息監于中宗
肅然齋居器械技巧圭杵莫誣

就用漢事可以為式

胡廣百官箴叙曰箴諫之興所由尚
矣聖君求之於下忠臣納之於上故

虞書曰予違汝弼汝無面諛退有後
言墨著書稱夏箴之辭

文心雕龍曰楊雄稽古師範虞
箴卿尹州牧二十五篇及胡稱
綴總稱百官所謂追清風於前
古舉辛甲於後代

銘式

序云云銘詩用韻語

諸漢銘式已見前卷此所紀宮

室器用等皆有銘文例不可畧也如張孟陽劍閣銘柳宗元蓬山銘之類

擬銘之始

銘始於黃帝漢藝文志道家有黃帝銘六篇

應劭曰盤孟諸書黃帝史孔甲所作銘也

禹銘筭簏湯銘于盤

銘者名也因其器名書以為戒也

武王開丹書之言為銘十六藏武仲曰夫銘天子令德諸侯言時計功大夫稱伐文心雕龍曰夏鑄九鼎周勒楛矢之德之事也呂望銘昆吾仲山鏤庸器計功之義也魏顆景鍾孔悝衛鼎稱代之類也蔡邕銘論曰德非此族不在銘典詩傳曰作器能銘可

以為大夫考功記嘉量有銘文選序
曰銘則序事清潤陸倕石闕漏刻二
銘皆有序張載劔閣銘末云勒銘山
阿散告梁益則寓警戒之旨隋杜正
元舉秀才擬燕然山劔閣銘杜正藏
擬弓銘唐崔渙還詗吏部侍郎嚴挺
之拖特補試翼尊銘謂曰子清廟器
故以題相命建中三年進士別頭試
款器銘興元元年朱千銘則以銘試

士尚矣

擬銘之式

文心雕龍曰箴責確切銘貴宏潤事
必覈於辯文必簡而淡

朱文公曰武王諸銘有切題者如鑑
銘是也亦有不可曉者古人只是述
戒懼之意隨所在寫以自儆今人為
銘要就此物上說得親切如湯盤銘
之類

擬記之始

記者記事之文也西山先生曰禹貢
武成金縢顧命記之屬似文選止有
秦記而無此體古文苑載後漢樊毅
修西嶽廟記其末有銘亦碑文之類
至唐始盛獨孤及風后八陣圖記後
擬題倣之

擬記之式

凡作文字先要知格律次要立意次

要語瞻所謂格律但熟考總類可也
所謂立意如學記泛說尚文是無意
也須就題立意方為親切柳子厚柳
州學記說仲尼之道與王化遠近此
兩句便見嶺外立學不可移於中州
學校也所謂語瞻如韓退之南海神
廟文乾端坤倪軒豁呈露一段老蘇
兄漢字序說風水一段是也雜欲語
瞻而不可太長 謂專事言語

不可近俗不可多用難字

熟看韓柳歐蘇先是文字体式然後為攷古人用意下句處

又須作一冊編體製轉換處不拘古文與今文大略編之如喜雨亭記亭以雨名志喜也柳文宣王廟碑仲尼之道與王化遠適似此之類此作記起頭體製也歐公真州發運園記中間一節此記中間鋪敘體製也柳萬

石亭記附零陵故事之類此記末後體製也

記序以簡重嚴整為主而忌堆疊窒塞以清新華潤為工而忌浮靡纖麗文心雕龍曰思聰者善敷才覈者善剛善剛者字去而意留善敷者辭殊而義昆字剛而意缺則短辭覈而言重則善綜奪在博取事貴約

朱文公日記文當考歐曾遺法科簡
列摩使清明峻潔之中自有雍容俯
仰之態

又曰歐文敷腴溫潤南豐文峻
潔坡文雄健水心曰如歐公
吉州學豐樂亭南豐擬岷臺道
山亭荆公信州興造桂州修城
記

張文潛曰文人好奇者或為缺句斷

章使脉理不屬又取古人詞話希於
見聞者不被而說合之反覆咀嚼卒
亦無有此最文之陋也

石林曰予世文章只是用換字
減字法

張伯玉吳郡六經閣記云六經閣諸
子百家皆在焉不書尊經也
元祐中新作御史臺詔曾子開為記
其略曰責人非難責已為難云云惟

其不難於責已則施於責人能稱其
任矣苟異於是得無餒於中哉世以
為名言

贊式頌說附後

序云云贊曰云云

擬贊之始

贊者贊美贊述之辭文選序曰圖像
則贊興文章緣起曰司馬相如作荆
軻贊班史以論為贊范曄更以韻語

隋志曰後漢魯卮江有名德先
賢之贊荀勗戲著李漢輔臣贊
漢明帝殿閣畫陳思王為贊

夏侯湛東方朔畫贊序云云乃作頌
為其辭曰云云表定三國名臣序贊
序云云故復撰序所為以懷之贊云
云在序後贊與云云相類唐建中二
年進士以箴論表贊代詩賦此試贊
之始中興書月云顧雲鳳集聯華三

卷有補十八學士寫真像贊安西都
護府重築碎葉城碑皆因舊時而作
擬贊之式

西山先生曰贊頌皆韻語體式類相
似贊者贊美之辭頌者形容功德然
頌比於贊尤貴瞻麗宏肆

頌鋪張揚厲以典雅豐絀為貴
呂黎聖德詩徂徠慶曆頌此正格也
其用事造語最忌塵俗須熟讀三百

篇博觀司馬相如揚雄諸賦與夫漢
郊祀歌文選所載三章三都七啟七
發之類及韓柳文韻語文字則筆下
自然豐腴矣

頌式

序云云頌曰云云

如韓愈元和聖德詩柳宗元平
淮夷雅之類

擬頌之始

詩有六義六曰頌莊子曰黃帝張咸池之樂有姦氏為頌文心雕龍曰帝譽之世咸墨為頌以歌九韶尚周及魯皆有頌所以游揚德業褒贊成功隋杜正元舉秀才擬聖主得賢臣頌唐開元十一年進士試黃龍頌十五年試積翠宮甘露頌宋朝淳化三年楊億於學士院試舒州進甘露頌遂賜及第則賜頌尚矣宋書鮑照為河

清頌其序甚工頌詩有序亦不可略也 有終篇同韻者如元和聖德詩 有四句換韻者如平淮西碑箴

銘贊倣此

擬頌之式

文心雕龍曰擬清廟範駉那崖爰文學祭筮契渠並致美於序而簡約乎篇 取銘經意自鑄偉辭 又曰賈誼枚乘兩韻輒易劉歆巨諱百句不

遷亦各有其志也昔魏武論詩嫌於
積韻而善於負代陸雲亦稱四言轉
句以四句為佳

金樓子曰班固
碩學尚云贊頌相似

序式

末云 故其贈行不以頌而以規○作
送某序○公於是作歌詩以美
之○命屬官咸作之命某序之○
於是登第而歸將榮於其鄉也

能無說乎○慶復人之將蒙其
休澤也於是乎言○故有以贈
童子○工乎詩者歌以係之○
於其別申以問之○於其行姑
與之飲酒○於其行姑以是贈
之○書以為刺譚唱和詩序○
酒壺既傾序以識別○於是相
屬為詩以道其行云○於是咸
賦詩以贈之○重生之還者皆

為詩其最故故又為序云○遂
各為歌詩六韻退某為之序云
○皆相勉為詩以推大之而屬
余為序○俾余題其首韓退之
○遂述其制作之所詣以繫于
後○於其序也載之其末云○
其直而甚文樂君之道作詩以
言余猶某也故於是乎序焉○
故為詩以重其去而使余為序

○故詩而序云○其道美矣故
余繼之以辭○遂繫之而重以
序○於其往也故賞酒肉而重
之以辭○行我行我言止是而
已○歡之酒我之詩而歌之坐
者從而和之既和而序之○於
是編其箴詩若干篇紀于末簡
以貶行李遂抗手而別○以吾
子見私於僕而又重其去故竊

言而書之而密授焉○於將行而問以言散以變君之志○余用是得不繫其說以告於他好事者○故為之言○於其辭而去也則書以畀之○故於其去不可以不告也柳子厚

擬序之始

序者序典籍之所以作也文選始于詩序而書序左傳序次之

擬序之式

東萊先生曰作記序若要起頭省力且就題說起謂如太宗金鑑書序則便說太宗皇帝云云說鑑治亂賢不肖之意如花萼相輝樓記則便說唐玄宗明皇帝云云說兄弟友悌之意不可汎說功德須便入題意

書目有異同者如南豐戰國策目錄序末云此書有高誘註者二十一篇

或云三十二篇崇文總目存者八篇
今存者十篇云

卷數有叙於首者如唐開元禮序云
明皇帝之十四年云云為開元禮一
百五十卷是也有序於末者如唐大
衍曆序云其書有曆衍七篇曆議十
篇畧例一篇云是也

夫序由詩書左傳有序故說者謂序
典籍之所以作大抵序以善序事理

為如如後世贈送燕集等作隨事以
序其實觀古人制作其體式可槩見
矣

諸跋

跋者隨題以贊語於後者也或前有
序引當按其有闕大體者立論以表
章之須要明白簡嚴不可墮人窠臼
古人跋語不多見至宋始盛觀歐蘇
魯王諸作則可知矣

○郝伯常先生編類金石八例

世系

名字

始起

連功立事

年壽

喪卒

殯葬

銘辭

○蒼崖先生十五例

八作造端

名字族姓

鄉貫

世次先德

文學藝能

仕進歷官

政迹功德

享年卒葬

生娶嫁女

總述行迹

作碑誌

銘辭

孤弱

祠廟原始

立廟祠祭

右先生金石例皆取韓文類編以為

例大略與徐秋山括例相去不遠若

再備錄似為重複故記其目于此云

蒼崖先生金石例卷之九 終

蒼崖先生金石例卷之十

史院纂脩凡例凡二十七條

聖旨詔制

凡已經翰林院潤飾者並金書其
有直言直語者只先作隨所見聞
敘其事情條格末却書云是日

詔諭中外

元正朝賀

如御正殿則書

上御正殿受諸王百官朝賀或改日
或免賀正日必書其故或在行則
書

上駐蹕某所扈從臣僚便賀于
宮行

外國來賀

於賀下連書以次列見諸國使人
如常儀若止是一國則云某國遣
其某官臣某來賀其有

朝辭日分隨日月書

車駕飛旆

書某日

上畋于近郊至每日移駐蹕之地亦
書及還宮則書

上還宮

車駕行幸

某日車駕幸上都每日駐蹕隨事
有可書者則書之至上都則書及

還大都則書車駕還大都駐蹕亦
隨事見至大都則書

上還宮若事蹟中不見則不書

嶽瀆降香

某日遣使持香祠五嶽四瀆后土
如衡山始入版圖東海南海始遣
使皆書至嶽瀆海加封則先書加
五嶽四瀆四海封號某神加某號
詳書之畢却書分遣使臣奉制詞

香幣祠于廟所如西海北海附祭
亦合書于初年後不復書或專遣
一使遍行則特書

聖節朝賀

今書

聖誕節某日受朝賀則同元日書

諸王稱號

親王除有封爵者書其爵諸王並
稱親王其有昭穆可考者雖無封

爵直書某昭穆小名

皇屬除拜

皇后前有內職者書立某封某氏為
皇后自外選內者書納

皇后某氏

太子書立某王為皇太子公主

出嫁並稱下嫁

內庭宴集

為某王某國來朝設宴則書餘

則否

大會諸王

緣故有所考則書

種祇祭享

本朝無郊社如洒馬乳之類事迹
中可見則書社新立則書始建社
稷于國西宗廟每歲一享則書
享于太廟攝獻官隨所見書如
飯等亦隨所見書僧道祈穰隨事

蹟擇其大者書之

百官拜罷

左右丞相則書拜平章則云以某
官平章政事左右丞則云以某人
為其官叅政則云以某官叅知政
事罷則書罷因功罪則各書其下
貶降竄籍誅殺皆書

百官除目

三品以上則書其間有回事得官

或特旨與官者不當以品數論當
悉書之

前古言語

有合書者則云為

國朝語

誅殺罪人

前代殺當其罪者書某人伏誅其
不當者書殺某人其大辟則歲終
書是歲斬死刑幾人或有奏讞出

入者則附書其下

錫賚犒賞

當書緣故前代多是銀絹錢帛今多有細色改子之類隨事實書又銀與鈔例合以兩又增計不須計定數其餘賜當從其實

甲子日分

前史並書甲子不書日分近所草定兼日分姑欲易見耳今各精攷

甲子悉刪去日分

天地災異

京師所見則皆書偏方或見有成災者則皆書餘則否

奏除臣僚

內有奏而不允者必書其故無故者否

奏對陳言

臣下言事有關於大體者雖不准

乞書

陞加散官

初授散官各官合與備書其後隨職例陞者不書或隨職降者則書不遷職止陞散官者則書加某官征伐收撫

如平定諸國初則書命某人率師伐某其後次第悉書至入國却則書某國平下併書已行事實或有

反叛則書何地某人反命某人率師討之其後次第悉書至賊破敗畢則書賊平

上親征者亦然

外國君長

外國不相屬時則書某國主某殂立則書某國主某立自朝廷立之者則書某國王某卒立某人為某國王未封王者書世子

營造工作

宮殿皆書寺觀亦書器物闕

朝廷用度者書餘則否

臣下奏事

凡中書省官同 奏則稱中書省
官奏臺院亦同如一二人奏則直
指其人或其他有司令省中奏則
稱中書省稱奏某人言某事或在
右近人奏亦直書某人奏某事其

後得旨可之則稱從之有一日奏
數事則類事于後稱並從之否則
書 不允有

旨並載於下款

皇太子稱 令旨准否則稱 令

旨不從

臣僚奏卒

宰相重臣書遠餘並書卒

蒼崖先生金石例卷之十終



國家圖書館, NATIONAL CENTRAL LIBRARY, TAIWAN, R.O.C